

KALIKATA LITTLE MAGAZINE LIBRARY-O-GABESHANA KENDRA
18/M TAMER LANE, KOLKATA-700009

Record No. : KLMLGK 2007/	Place of Publication : ^{কলকাতা} 202 গাভেশানা লাইব্রেরি, তামার-লেন
Collection : KLMLGK	Publisher : ^{কবি} কবি (কবি) কবি
Title : ^{কবিতা} KAVITA	Size : 5.5" x 8.5"
Vol. & Number : 21/2 21/4 22/3 22/4 23/2	Year of Publication : ^{Dec 1956} (১৯৫৬) (১৯৫৬) (১৯৫৬)
	Condition : Brittle / Good ✓ ✓
Editor : ^{কবি} কবি	Remarks :

C.D. Roll No. : KLMLGK

কবিতা



সম্পাদক

বুদ্ধদেব বসু



চৈত্র ১৩৬৪
দাম এক টাকা



কবিতা

চৈত্র, ১৩৬৫

বর্ষ ২২, সংখ্যা ৩

ক্রমিক সংখ্যা ৯৩

ছুটি কবিতা

জীবনানন্দ দাশ

রজনীগন্ধা

এখন রজনীগন্ধা—প্রথম—নতুন—
একটি নক্ষত্র শুধু বিকেলের সমস্ত আকাশে ;
অন্ধকার ভালো বলে শান্ত পৃথিবীর
আলো নিভে আসে ।

অনেক কাজের পরে এইখানে খেমে থাক। ভালো ;
রজনীগন্ধার ফুলে মৌমাছির কাছে
কেউ নেই, কিছু নেই, তবু সুবোমুখি
এক আশাতীত ফুল আছে ।

সম্পাদকাল : ১৩৬৪

কবি-কর্তৃক পরে স্বয়ং পরিবর্তিত

শব্দের পাশে

(পুরোহিতের প্রার্থনা : অসামাজিক)

মৃত ?

তবুও সে মাটি নয় ।

মাথার চুল ঘেন আরো অনেক কাল ব্যবহার করবে সে—

তার হাত্তির দাঁতের মতো ধূসর কপালের উপর

ভোরের অজস্র দাঁড়কাকের মতো চুলের আনন্দ,

চুলের আবেগ : ঘেন মিশরের মহীয়সী শাল প'রে দাঁড়িয়ে রয়েছে

লাল-নীল কাচের জানালা খুলে দিয়ে

নব-নব ভোরের রৌদ্র ও নীল আকাশকে আশ্বাদ করবার জেতে ।

কোন-এক অন্ধকার লাইব্রেরির নিস্তরু হলুদ পাণ্ডুলিপির মতো

দেখলাম তাকে :

আবণের রোয়ে রেবা নদীর মতো ছিল যে একদিন ;

সে আর যুমোবে না কোনোদিন,

স্বপ্ন দেখবে না ;

তার মৃত মুখের বিমর্ষ মোমের গন্ধকে ঢেকে ফেলে

শুধু তার ঘন কালো চুল

সেই আবহমান রাত্রি থেকে বিচ্ছিন্ন হ'য়ে জেগে রয়েছে

কোনো-এক দূর, ভালো স্বীপের মতো।

যেখানে জাগ্রত পাখিদের প্রেম

ধূসর সমুদ্রকে জাগাতে পারে না আর ।

যে-সমুদ্রের কোনো বেলা নেই,

পাণ্ডুর দেহের নীরবতা নিয়ে তারই ভিতর নামলা সে ;

জ্যামিত্তির ভিতর থেকে রূপ তার কুৎসিত হারিয়ে ফেলেছে ;

তারপর বিশুদ্ধল মাংসের দুর্বলতা নিয়ে

পৃথিবীর বড়ো-বড়ো নাবিকের বিবর্ণ ভয় ও বিশ্বয়ের জিনিস সে ।

এই নারী আজ নিস্তরু ;

মনে হয় যেন কোন স্তব্ধ স্বীপে ঘুম রয়েছে শুধু :

এর দেহের ভিতর বিবর্ণ দারুচিনি-ছালের গন্ধ,

এর মুখের মিকে তাকিয়ে মনে হয়

কোন অসীম নির্জনতার ভিতরে উঁচু-উঁচু পাছের দীর আলোড়ন যেন

(আরো নিস্তরু)

এই মৃত্যুর শরীরে সেই দূর স্বীপের সবুজ শব্দ—স্বাদ—চায়ারৌদ্রের বৃষ্টি—

আমলকি-গাছে কোকিল এই নিম্পাপ শ্রোত অহুভব করেছে,

তাই সে ধূসর চিত্তার সম্রাটের জেতে সংসীত খুঁজতে চ'লে গিয়েছে :

যুতুর মহান আত্মীয়তা।

পৃথিবীর পাখিদের কাছের মৈথনের চেয়ে প্রপাচ ।

কবিতায় শ্রাবী ও পুতুল : গটফ্রীড বেন্-এর স্মরণে

জ্যোতিষ্মদ দত্ত

জর্মানির সব-কিছুর মধ্যেই এক বর্বর অসাধারণতার স্পর্শ আছে। সে-দেশের ভূগোল ও ইতিহাসে যেমন বিপরীতের সংঘাত ও সমন্বয় ঘটেছে, মাহুসের দেহে ও মনেও তেমনি এক আশ্চর্য মিশ্রণ লক্ষ্য করা যায়। জর্মানির পূর্বদিকে অগণিত স্লাভগণ, ডাচা ও আচারে যেমন তাঁরা পৃথক, তাঁদের অধিকৃত ভূভাগের আকার ও গড়নও তেমনি পশ্চিম-ইউরোপের বিপরীত। পূর্ব-ইউরোপের বিশাল প্রান্তর জলাভূমি ও হ্রদের দ্বারা বিভক্ত। পশ্চিমের দেশগুলি ছোটো-বড়ো উপত্যকাবিশেষ; বিভিন্ন পর্বতমালার চাপে পড়ে ক্ষুদ্র প্রান্তরগুলি আন্দোলিত; মাঝে পলিমাটি জমি যতটুকু গড়ে উঠেছে সেটুকুই সমতলভূমি। নাইসে ও ওভার নদী যখন জর্মানির সীমান্তে ছিলো না তখন মনে হতো সে-দেশের জ্যামিতিক কেহের এক চুলও পূর্বদিকে কেউ যদি কোনো মার্বেলের গুলি রাখে, তবে তা অনায়াসে গড়িয়ে-গড়িয়ে লেনিনগ্রাদ, এমনকি বের্লিং প্রণালী পর্যন্ত চলে যেতে পারে। ছুটি ছাড়া সব বড়ো-বড়ো হ্রদ পূর্বাঞ্চলে। আর পশ্চিমেও দক্ষিণে, হাংজ ও ভোজ পর্বতমালা বিভিন্ন নদীর অববাহিকাকে বিভক্ত করে।

পশ্চিম এবং পূর্বের বিপরীত গড়ন যেমন জর্মানির ভূগোলে লক্ষ্য করা যায়, তার ইতিহাসেও তেমনি বৈপরীত্যের প্রাচুর্য বিজ্ঞমান। আধুনিক কালে যন্ত্রের আশ্চর্য উন্নতি যদিও ঘটেছে, মধ্যযুগীয় সমরযাযসারী ভূসাম্রাজ্যের প্রতাপ কিছুকাল আগেও প্রবল ছিলো। ধর্মবিপ্রব প্রথম ঘটে জর্মানিতে, আবার, ধর্মবিপ্রব সবচেয়ে আগে ফুরিয়ে যায় সেই দেশেই। অর্থাৎ, মধ্যযুগ সবচেয়ে বেশিদিন টিকছিলো সেই জর্মানিতে, যেখানে আধুনিকতার সূত্রপাত হয়।

জর্মানগণের জাত্যাভিমান প্রসিদ্ধ। অথচ, তাঁদের রক্তেও অসংখ্য উৎসের দারা প্রবাহিত। উত্তরের অধিবাসীগণের আকার দীর্ঘ, নীল তাদের চোখ, চুল কটা। দক্ষিণে বাঙালির মতো রুশ জর্মানের দেখা পাওয়া অসম্ভব নয়।

হাংজ পাহাড়ের দক্ষিণে যতো যাওয়া যায়, চুল ও চোখ ততোই কালচে হয়ে আসে। টমাস মান উত্তর ও দক্ষিণের মধ্যে এই দৈহিক পার্থক্য ছাড়াও আরো অনেক কিছু লক্ষ্য করেছিলেন। গোটে এবং শীলার, বের্টোফেন ও হাগনার ছই হৃদয় লোকের অধিবাসী; টিউটন ও লাতিন, পূর্ব ও পশ্চিম, আপোলো ও ডিরোবিনাস—বিরাোধের যতোগুলি পরিচিত উপমা আছে সেগুলি তাই এতো ঘন-ঘন জর্মানির বেলায় প্রয়োগ করা হয়।

অর্থাৎ, যে-কোনো দিক থেকেই দেখা যাক, সে-দেশের অর্ধাংশ আড়ালে র'য়ে যাবে। তাই, ইতিহাসের সরলতায় জর্মানির গভীরতা ধরা পড়ে না। যেমন উঁচু-নিচু প্রান্তরের পৃষ্ঠভাগ অক্ষাংশ ও দ্রাঘিমার দ্বারা নির্ণয় করা যায় না, পুরাণের সাহায্য বিনা জর্মান চৈতন্যের অন্ধকার, পাগলামি-ভরা আধ্বাণার সঙ্গে পরিচয় হওয়া অসম্ভব।

হোল্ডার্লিনের হাইপেরিয়ন নাকি এরকম একটি পুরাণ, যার সাহায্যে আমরা জর্মান চৈতন্যের গোপন অংশগুলির সঙ্গে পরিচিত হ'তে পারি। এই উপন্যাসটির একটি অংশ কোথাও উদ্ধৃত দেখেছি: 'এমন এক নীরব-হ'য়ে-বাওয়া আছে যখন অল্প সব জীবন উপেক্ষিত হবে। তখন মনে হবে আমরা সব হারিয়েছি। আত্মার দীর্ঘ রাত্রি নেমে আসবে। কোনো নক্ষত্রের আলো এসে পৌঁছবে না। এমনকি ভেজা কাঠের জৌলুণও আমরা দেখতে পাবো না।...সেই চরম নেতির আবেশে আমাদেরই মনে হবে যেন শুধু শূন্যতার প্রভাবে আমরা জন্মেছি, শুধু সেই চরম নেতিই আমাদের বিশ্বাসের আশ্রয়, সমস্ত জীবনের কীর্তিস্বরূপ সেই শূন্যতাই রেখে যাবে।'

'চোখ নিতে গেছে, চোখের তারা উল্টো দিকে ঘোরানো। কোথাও অল্প কোনো মাহুস নেই, সর্বশাই শুধু আমি আছি। কানের দুয়ার বন্ধ, পেছনে—মস্তিষ্কের দিকে—তার খিড়িকি খোলা। কোথাও কিছু ঘটছে না। আমি আছি।'

দ্বিতীয় উদ্ধৃতিতে, পাঠক নিশ্চয়ই লক্ষ্য করেছেন, বিবৃত কালের পরিবর্তন হয়েছে। যা হোল্ডার্লিন আশঙ্কা করেছিলেন শুধু, দ্বিতীয়টিতে তা নিশ্চিত

বর্তমান। উক্তটি ১৯২০ সালে লেখা ‘পরম গণ’ নামক এক প্রবন্ধের অংশ।
লেখক গটফ্রীড বেন্‌।

অংশটিতে ইঙ্গ্রিয়হীনতার যে-বর্ণনা আছে তা শুধু ইতিহাস নয়, প্রার্থনাও
বটে। বেন্‌-এর নন্দনতর অতি হৃদয়। কাবোর যে-রূপটি আমরা প্রত্যাশা
করি, বেন্‌ তাকে বাতিল করে দিতে চান। বেন্‌-এর পরবর্তী কবি
হোলথুসেনের মতে কবিদের আর-এক নাম ইঙ্গ্রিয়ময়তা। বেন্‌-এর স্বভাব
উন্মোচন; তাই, তাঁর মতে, ইঙ্গ্রিয়মুক্তিই হ’লো হুরলোকে পৌঁছবার একমাত্র
উপায়।

১৯৫৬ সালের হেমন্তকালে বেন্‌ সত্যই ইঙ্গ্রিয়মুক্তির লোকে চলে গেলেন,
কিন্তু গেলেন অল্প সবাই যেভাবে যায়। তাঁর কবিতা এমন এক পরমতার
সন্ধান করেছে যেখানে ঘটনা ও ঘটনার অর্থহীনতা লুপ্ত হবে, স্থতির ও ইঙ্গ্রিয়ের
নির্ভরগুলি ধ্বংসে পড়বে; কবিতা তখন কৈবল্যের সারাংশের নিমজ্জিত হ’য়ে,
সৃষ্টির পূর্বে অনন্তশয়ান দেবতার মতো, শুধু আপনাকে ধ্যান করবে। তাঁর
গঞ্জে তিনি ঘোষণা করেছেন যে, শুধু কবিতায় নয়, জীবনেও এই কৈবল্যকে
তিনি প্রার্থনা করেন। তাঁর মতে মাহুঘের সঙ্গে মাহুঘের সংযোগ ছিন্ন হয়েছে,
মাহুঘ এবং পৃথিবীর মধ্যে বিচ্ছেদ এসেছে, এখন পরম নেতিবাচ্যেই শুধু আত্মা
স্থাপন করা সম্ভব; শুধু সম্ভব নয়, সেটাই উচিত বিশ্বাস।

এ-বিশ্বাস সম্ভবত ঠিক নয়। শেষ বিচারে, প্রত্যেক কবিই ইঙ্গ্রিয়নির্ভর,
উপমাসৃষ্টিকারী এক মাহুঘ মাত্র। সেজ্ঞ, কৈবল্যপ্রাপ্তি তাঁর পক্ষে অসম্ভব।
হোল্ডার্লিনের সেই ‘অনভিজ্ঞ, ভীত উচ্চারণের’ শব্দ অসংখ্য। শব্দার প্রথম
কারণ দেবতারায় স্বয়ং। শুধু কবি নামক এই পরম শিশুই দেবতার উষ্ণ
সম্মিধানে গমন করতে পারেন। কখনো যদি তাঁরা উজ্জলতর হন, কিংবা কবি
যদি তাঁদের কাছাকাছি এসে পড়েন তবে অনিষ্ট সম্ভব। কিন্তু বিশাশের আরো
প্রশস্ত উপায় আছে। কখনো কবির মনে হ’তে পারে লব্ধ জ্ঞানের সম্পূর্ণ
উৎস তাঁরই চিন্তের অঙ্গকারে, মনে হ’তে পারে তিনিই ঈশ্বর—প্রতিনিধি নয়;
তখন দেবতারায় ঋণ স্বয়ং, চেতনার ও অবচেতনার স্রোত বন্ধ হ’য়ে যাবে।

অর্থাৎ, বেন্‌-এর কবিতার উৎস কখনো বন্ধ হয়নি। তার একটি কারণ এই
যে প্রচারিত বিশ্বাসের সঙ্গে তাঁর আচারের কিছু বিভেদ ছিলো। বরং, একদিকে
যেমন তিনি ঘটনাকে অস্বীকার করেছেন, অঙ্গদিকে কবিতায় জগৎকে
মাত্রোতিরিক্ত প্রেয়স দিয়েছেন। রিলকের সঙ্গে তাঁর অনেক প্রভেদের মধ্যে
এটাই সর্বপ্রধান। রিলকের চিন্তায় বস্তুরা অনন্ত চরিত্রমণ্ডিত। আশাবাবণ্ড,
ঘটনা, এক টুকরো সাবান (প্রায় বলা যায় ‘একজন সাবান’)—তাঁকে গিরে
যা-কিছু থাকে, তা জড় পদার্থের উদ্ভট সমাবেশ নয়, তা যেন বহুজীবনের পরিচয়ে
ঘনিষ্ঠ আত্মীয়দের নিয়ে গ’ড়ে-তোলা সংসার। তাই, কবিতায় তারা প্রবেশ
করে বস্তুর জড়ত্ব ঘুচিয়ে, যে-কোনো সম্পর্কে তারা বুদ্ধি পায়, যে-কোনো
উপমার নিবিড় আকারে তাদের তরল আচ্ছন্দ্য ব্যাহত হয় না।

কিন্তু বেন্‌-এর কবিতায় বস্তুদের ভিন্নতা বাচেন না, পুঙ্খল তারল্যে পরিণত
হয় না। তাঁর কবিতায় উপমার রশায়নের অভাব আছে। উপকরণ আছে,
সংযোগ নেই। তাই, তাঁর কবিতা, মনে হয়, যেন এক স্থগিতকল্পিত কিন্তু
পুলকহীন তালিকামাত্র।

রিলকের কবিতায় তো বটেই, চিঠিপত্রের প্রথম মহাযুদ্ধের প্রতি উল্লেখ কতো
বিরল। আধুনিক জীবনযাত্রার উপকরণগুলি কতো অল্পবাই না তাঁর কবিতায়
প্রবেশ করেছে। আর বেন্‌-এর ব্যবহার এর ঠিক বিপরীত। প্রথম
মহাযুদ্ধের প্রভাব তিনি কখনো কাটিয়ে উঠতে পারেন নি। কাবোর বিষয়বস্তু
নির্বাচনে তিনি ছিলেন সাময়িকতার ভূতা। মর্গ আর হাসপাতালের মধ্যে
তাঁর বোধ ছিলো—একমাত্র কারণ বোধহয় এই যে চিকিৎসা ছিলো তাঁর
পেশা। গঞ্জে তো বটেই, কাব্যেও তিনি ছিলেন অত্যন্ত বেশি উপলক্ষনির্ভর।

কোনো-কোনো মাহুঘকে সমকালীন ইতিহাস এমনভাবে নাড়া দেয় যে
তাঁদের মনে হয় আদিকাল থেকে মাহুঘ যে-ভাবে বিবর্তিত হয়েছে হঠাৎ,
তাঁদের কালে, সেই অনিবার্য গতির মধ্যে এক পূর্বাণবিশীল সংকট উপস্থিত
হ’লো। তাঁরা যেন মাহুঘ নামক নাটকের তৃতীয় অঙ্কে অভিনয় করছেন।
বেন্‌ অনেকটা এই ধরনের মাহুঘ ছিলেন। ইউরোপের ক্রমাগত তাঁর কাছ

সহজতম সত্য বলে মনে হয়েছিল। তাঁর মনে হয়েছিলো যে এবারে ইউরোপ শুধু দুই-একম মাহুঘের জন্ম দেবে—প্রথম, যারা বর্ষর, চিত্ত-ও বিবেকহীন, পশুশক্তির দ্বারা চালিত; দ্বিতীয়, যারা অক্ষম, প্রত্যয়হীন ও প্রশ্নজর্জর। ইউরোপের শুভ মুহূর্তে এই দুই প্রকার গুণাবলির সমন্বয় ঘটেছিলো। বিশ শতকের ইউরোপীয় উদারনৈতিকতা এই সময় থেকে অপজাত, কিন্তু তার মধ্যে বৃদ্ধি ও বিবেকের মাত্রাধিকা ঘটেছে। খেত জাতির মত্না আসন্ন, ও ইউরোপের ধ্বংসই আয়ত্তি, এমন সিদ্ধান্তে পৌঁছানো এর পর অতি সহজ।

টমাস মান্‌ও মাহুঘদের স্বস্থ গৃহী ও অস্থ শিল্পী এই দুই সম্প্রদায়ে ভাগ করেছিলেন; কিন্তু ইউরোপের ধ্বংসের কারণ সাংসারিকতার অভাব, অথবা উদারনৈতিকতার বৃদ্ধি, এমন তাঁর মনে হয়নি। সেহেতু, ইউরোপের ধ্বংসের সম্ভাবনা তাঁকে শঙ্কিত করেছে। অপরদিকে, উদারনৈতিকতার বিস্তার বেনকে পীড়িত করেছে। তাঁর মতে, বিবেক এককালে মাহুঘের অস্ত্র সব প্রভাদের মতো ছিলো। স্বাভাবিক অবস্থায় অস্ত্র, বহু অথবা স্নায়ুর মতোই হয়তো বিবেকও প্রয়োজনীয়, কিন্তু তার অধিক বৃদ্ধি ভালো নয়। স্নায়ুদর্বিষ যারা, অথবা যাদের বহু মেয়ের সবটুকুর চাইতে ভারি, তারা যেমন আদর্শ মাহুঘ নয়, বিবেক যাদের সহজ জৈববুদ্ধিকে নাশ করেছে তারাও ঠিক সমান বিকৃত। তাই, খেত জাতির আশু ধ্বংসের সম্ভাবনা তাঁকে প্রায় পুলকিত করে। যখন তিনি এ-সম্পর্কে কোনো প্রস্তাবের অবতারণা করেন তখন তাঁর লেখার ঢ় বদলে যায়; বা ভবিষ্যৎবাণী বলে তিনি প্রচার করতে চান, তা পাঠকের মনে হয় তাঁর ইচ্ছার আবেগে কম্পিত; শুধু তখনই তাঁর লেখা বেন জীবিত হ'য়ে ওঠে।

অবশ্য, তাঁর সকল বিশ্বাসের মধোই দুঃসাহসের মহত্ব লক্ষ্য করা যায়। খেত জাতির ধ্বংসের ভবিষ্যৎবাণী যিনি করেছিলেন, চরাচরের আড়ালে মাহুঘাতীত কোনো প্রেমময় শক্তির উপস্থিতি যিনি মানেননি, তাঁর চিত্তকে কোমল অথবা স্নহাভিলাষী বলা চলে না। তাঁর গভ্র দাচ'ওণে অতুলনীয়। তাতে ভাষার ও বিশ্বাসের পঙ্কতার এক ভিন্ন স্বাদ আছে। ধীর রুচি একবার

বেন-এর গন্তের দ্বারা সংক্রমিত হয়েছে, সে সহজে তাঁকে অস্বীকার করতে পারবে না। তাছাড়া তিনি বৈজ্ঞানিক তথ্যকে জাতিবিজ্ঞা কিংবা কিমিয়া শাস্ত্রের মতো রোমহর্ষক করে তুলতে পারতেন। আসলে, তাঁর পাণ্ডিত্যের মধ্যে বৈজ্ঞানিকের পরিকল্পনা ছিলো না; বরং, তাঁর মনকে পুরোনো নাবিকদের দেখা উদ্ভিদসাগরের সঙ্গে তুলনা করা চলে। যেমন সেই স্তম্ভ, উদ্ভিদঘন, নিরক্ষীয় সমুদ্রে অগভ্রবিবল প্রাণীকুল বনবাস করে; পাহাড়ের মতো বিশাল, ও হৃদয় কারুকার্যমণ্ডিত, জাহাজের ভগ্নাবশেষ চারদিকে ছড়িয়ে থাকে,— তেমনি বিশ্বের সহস্র খুঁটিনাটি ও বিচ্ছিন্ন খবর, বহু প্রাচীন মতবাদের ভগ্ন অংশ, বিচিত্র তথ্যের দ্বারা অলংকৃত অনেক অমৌক্তিক ধারণা তাঁর মনের উচ্চ পরিসরে এসে সমবেত হয়েছিলো। তাঁর গন্তের সাহায্যে এই মনের রোমাঞ্চকর অনন্দরলোকে প্রবেশ করা যায়। এবং এমন অভিঘানে শুধু বৃদ্ধিই তৃপ্ত হয় না, আমাদের ইন্দ্রিয়গুলিও পুলকিত হয়। কোনো বজ্রতা শোনাবার প্রতিশ্রুতি দিয়ে কেউ যদি জাহুঘর ও শিল্পশালা, চিড়িয়াখানা ও বোটানিকাল গার্ডেন, বন্দর, সার্কাস এবং মেলা ঘুরিয়ে এনে হঠাৎ জানিয়ে দেয় আমাদের শিক্ষা সমাপ্ত হয়েছে তবে যেমন হয়, বেন-এর প্রবন্ধপাঠেও পাঠক তেমন অভিজ্ঞতা লাভ করেন।

প্রথমে মনে হ'তে পারে এইরকম মনই কবিতার উপযুক্ত ভূমি। কিন্তু নির্বিকার সমাধিতে বাইরের ছবিকে ছায়া এবং বস্তুর বৈচিত্র্যকে বাহুলা বলে বোধ হ'তে পারে। বেন-এর একমাত্র উপজ্ঞাসের নামক একটি ছবির নামনে ঠাড়িয়ে চিত্রিত প্রাণীটির কয়টি পা তা গোনে—এক, দুই, তিন, চার—এই সংখ্যাগুলিতে যেটুকু প্রত্যয় লাভ করে তা বর্ণের অতিরঞ্নে পায় না, জ্ঞানের মোহাবেশে তা হারিয়ে ফেলে।

কবিতার পক্ষে যা হানি, কবিতা সম্পর্কে তর্কের বেলায় বেন-সেই বিশ্বাসকেই সবচেয়ে চতুরভাবে কাজে লাগান। বেন-জগতের জগৎমতার মধ্যে কোনো পরম নিয়ম দেখতে পান নি। স্বপ্তির মধ্যে যা-কিছু নিয়ম, যে-কোনো সংযোগ লক্ষ্য করা যায়, তার সব কটিই বিচ্ছিন্ন, সাময়িক ও স্থানীয়। যেমন

ভিন্ন-ভিন্ন মূল্যবোধের চতুর্দিকে ভিন্ন-ভিন্ন সভ্যতা গড়ে ওঠে, সম্পূর্ণ বিচ্ছিন্নতার মধ্যে তাদের বৃদ্ধি ও ক্ষয় হয়, তেমনি বিভিন্ন দৌরসমাজ আকাশের শূন্যতার মধ্যে বর্ধিত ও বিনষ্ট হয়। এমনকি সময় বিভিন্ন স্থানে বিভিন্ন। দৌরলোকে যে-সময়ের আধিপত্য, অজ্ঞ কোনো হৃদয় নক্ষত্রলোকে সে-সময় অর্থহীন।

এই নৈরাজ্যের মধ্যে মানুষ আজ নিরালস্য। ঈশ্বরের বিশ্বাস ক্ষয়ে গেছে, স্বতরাং ধর্ম আর মানুষকে আশ্বাস দিতে পারে না। অর্থনীতির দ্বারা মানচিত্রিত যে-স্ববিশাল, জটিল ও ভয়ঙ্কর অরণ্যসদৃশ জগৎ মানুষের বিম্বিত চোখের সামনে উদ্ঘাটিত হচ্ছে, সেখানে কোথাও প্রাণীদল স্বার্থের জ্ঞান নিহত, কোথাও জীবনরক্ষার্থে যুৎচারী, অজ্ঞ প্রকৃতির অটল নিয়মে সংগমাকাজ্ঞী—এই জগতেই বা মূল্যবোধের নিষ্করতা কোথায়? কিন্তু কবিতায় কোনো-কিছু প্রবেশ করতে পারে উপমার প্রসাদে, দিবা দেহান্তর লাভ করে। মানুষ ছই পৃথক বস্তুর মধ্যে যে-অতল সংযোগ লক্ষ্য করে সেটুকু তার দান। হৃদয় বঞ্জ শুধু এইভাবেই মানুষের মনের অস্ত্রাঘ আশবায়ের সঙ্গে মিলে যায়।

বেশ বললেন, শুধু মানুষের সৃষ্টিতে নিয়ম আছে, সংহতির পশ্চাতে উদ্দেশ্যও আছে। শুধু তা-ই নয়, মানুষের সিদ্ধি শুধু তার সৃষ্টিতে। স্বল্প-ক্ষমতাই একমাত্র মূল্য। মানুষের কাজের মধ্যে আমরা সাধারণত যে-সকল উদ্দেশ্য লক্ষ্য করি—চাকরির ফললাভ আহ্বারে, সমাজ-জীবনের উদ্দেশ্য নিশ্চিততা লাভ—তা বাহু ও গৌণ। কারণ আমরা বাঁচবার জ্ঞান আহ্বার করি, নিশ্চিত হতে চাই; স্বখাণ্ড যদিও রননার পুলকসঞ্চার করে, তবুও শুধুমাত্র ভোক্তার প্রত্যাশায় আমরা জীবনধারণ করি এমন বিশ্বাস করা শক। আসলে, প্রতি কাজের মধ্যে মানুষ, তা যতো স্বঅভাবেই হোক, তার মনুগ্রন্থকে মুক্তি দেয়, তার ব্যক্তিত্বকে উপলব্ধি করে। জড় পদার্থ ও অজ্ঞান প্রাণীর বা-কিছু করে তা কোনো-না-কোনো প্রাকৃতিক নিয়মের প্রভাবে, শুধুমাত্র মানুষ একই অবস্থার ভিন্ন-ভিন্ন পথ গ্রহণ করতে পারে। স্বতরাং যে যতো মাত্রায় অভ্যাস, সামাজিক রীতিনীতি ও প্রাকৃতিক নিয়ম সম্পর্কে সচেতন হয়, এবং তাদের দ্বারা চালিত না-হ'য়ে ইচ্ছামতো চলে, সে

ততো তীব্রভাবে মানুষ। বেশ লক্ষ্য করলেন যে ঈশ্বর অথবা শয়তান, পরি অথবা প্রেত, অহুষ্ঠান এবং সমাজ—এই সব প্রাচীন বিশ্বাসের অন্তর্দেশ একটি পুলাকে অশেষ, যদিও আকারে ক্ষুদ্র, প্রাণী উত্তপ্ত রাখে। উত্তাপের উৎস এই প্রাণী হ'লো সেই সৃষ্টিশক্তি, যা এদের প্রত্যেকটিকে কোনো-না-কোনো সময়ে জন্ম দিয়েছিলো।

মানুষের সৃষ্টিসত্তার অশেষ। কিন্তু অধিকাংশ সৃষ্টির আড়ালে এক বাহু উদ্দেশ্য লক্ষ্য করা যায়। শুধুমাত্র কবিতা উদ্দেশ্যহীন, অথচ কবিতা মানুষের গভীরতম অভ্যাসের বিরোধী, তার সকল সৃষ্টির চেয়ে নতুন। ভাষার স্বভাব নয় ছন্দোবদ্ধ হওয়া, বুলি স্বভাবতই মুখে আসে। জন্মের পর থেকেই মানুষ ভাষার যে-ব্যবহার শেখে তা সৃষ্টির প্রতিবন্ধক; অথচ, কবিতার ভাষায় ও বাজারের ভাষায় এক আপত্তিক সাদৃশ্য নেই তা তো নয়। পৃথিবীর জড়ত্ব মানুষের সামনে যতো ফাঁদ পেতেছে, এটাই হ'লো তাদের মধ্যে সবচেয়ে চতুর ও সবচেয়ে সার্থক। কারণ, অর্থনীতি, এমনকি দর্শন ও এই প্রকার অজ্ঞান সব জটিল বিষয়ের গভীরে প্রবেশ করতে গেলে কিছুটা অভ্যাস ও সাধনার প্রয়োজনীয়তা যদিও সবাই স্বীকার করেন, এমন কে আছে যিনি মনে করেন না যে, যেহেতু মাতৃকোড়ে তাঁরও বান্ধুসৃষ্টি হয়েছিলো, সেহেতু কবিতার উপর তাঁর অধিকার বর্তেছে?

কবিতা (ও অজ্ঞান শিল্পকর্ম) তাই মানুষের শ্রেষ্ঠ কৃত্য; মৃত ধর্মের পরিবর্তে মানুষের দেবস্বপ্রাণির একমাত্র উপায়। যে-পৃথিবীতে মনের লেশ নেই, যে-আদি-অন্তহীন জড়ত্বের ভার মানুষকে সত্য পীড়িত করে, যে-অটল চৈতন্যহীনতা সকল প্রাণীর শক, সেই জড়ত্বের উপর আমরা শুধু এইভাবেই ক্ষমতা বিস্তার করতে পারি। ঘটনা যদি মানুষের ইচ্ছামতো না চলে, যদি সৃষ্টির আগেকার সেই আদি নৈরাজ্য ঘোর হ'য়ে নেমে আসে, তবু কবিতার নিভূতে আলো জ্বলবে, যা বিচ্ছিন্ন ছিলো তা সংযুক্ত হবে, যার মধ্যে শুধু ছিলো অচেতন পদার্থের মানুষের প্রতিকূল সমাবেশ তা চৈতন্যের সংযোগ মানবীয় হবে।

কবিতায় বস্তু চৈতন্যের রসায়নে মানবীয় হয়—এটুকু বলেই বেনু স্কাঙ্ক হননি। ঐ শোধনপ্রক্রিয়ার জন্ম জড়ব্দের—এটা তিনি বরদাস্ত করতে পারেননি। তাঁর বিখ্যাস ছিলো যে আগামী কালের কবিতায় এমনকি বস্তুবাশির স্মৃতিটুকু থাকবে না। তাঁর মনে হয়েছে যে কবিতায় কল্পনার সারটুকু ছাড়া অজ্ঞ কিছুই স্থান থাকা উচিত নয়। আর তাই তাঁর ইচ্ছা ছিলো যে এই মুহূর্তেই চৈতন্যের সঙ্গে জড়জগতের সংযোগ লুপ্ত হোক।

এই পরম কবিতার কল্পনা আধুনিক কবিমাঝেরই প্রিয়। আদি সাহিত্যের কলেবর ছিলো বিপুল, মাহুঘের সকল চিন্তাই তাতে স্থান পেতো। মহাভারতের বিশাল অরণ্যে ইন্দ্রিয়-তৃপ্তিকর উদ্ভিদ ও সমাজের উপকারী গুণবি সমানভাবে বুদ্ধি পেয়েছে। ক্রমে, কল্পনার সন্তানেরা হিশেবি বেনেতে পরিণত হ'লো। এখন তাদের প্রতিপত্তি যেমন বুদ্ধি পেয়েছে, মেজাজও বদলেছে। কবিতা ও বিজ্ঞান আজ বিচ্ছিন্ন। সমাজতন্দের ধূসর গৌড়ানি কবিতার অরিদলের একপ্তয়েমি বুদ্ধি করেছে। এর ফলে কবিতার ব্যাপ্তি যদিও হ্রাস পেয়েছে ঘনব বেড়েছে। মাহুঘের সব প্রানের জ্বাবর আজ আর কবিতায় নিহিত নেই, তাই প্রতি কোষ তার রসে টনটনে। আধুনিক কবিতা আকারে স্তম্ভ, প্রতি ছন্দে তার অর্থের ধাতুশিলা এমনভাবে প্রথিত যে কখনোই খননের প্রয়োজনীয়তা ফুরোবে না।

উনিশ শতক কবিতা থেকে যেমন অজ্ঞাত তত্ত্ব বিচ্ছিন্ন হ'লো, বিশ শতকে কবিও তেমনি অপসৃত হলেন। শুধু স্মৃতির মুহূর্তটি রইলো; স্মৃতির আগে কবি কী ভাবে প্রস্তুত হচ্ছিলেন, বিবিধ উপকরণ কখন, কোথা থেকে এসে জড়ো হ'লো, বিস্ফোরণের সংঘাতে উপকরণগুলি কেন গলে-বৈকে চেতন হ'য়ে গেলো,—ঐ-সবের কিছুই কবি আর বলেন না। গটফ্রীড বেন বললেন, স্মৃতির অলৌকিক ঘটনা দেখবার জন্ম, দর্শকদের সাহায্যার্থে, পুরাকালের কবিরা যে-সব রেলরাস্তা ঐ স্মৃতির তীর্থ পর্যন্ত গ'ড়ে তুলতেন, ভ্রমণকারীদের জন্ম যে-সব টাইমটেবল, তীর্থের চতুষ্পার্শ্বের মানচিত্র, অলৌকিক ঘটনার ইতিহাস ইত্যাদির ব্যবস্থা করতেন, সে-সবই শুধু যে কবিতায় বর্জিত হবে তাই নয়, শুধুমাত্র

অলৌকিক ঘটনাটি থাকবে কিন্তু ঘটনার উপকরণ কিছু থাকবে না, পাপহরণী ক্রমতা থাকবে স্রোতের, কিন্তু জল থাকবে না, তীর্থটির অস্তিত্ব থাকবে কিন্তু ভৌগোলিক অবস্থিতি থাকবে না। বেন কল্পনায় দেখলেন কবিতায় স্মৃতি আছে, কিন্তু স্মৃতি বস্তু নেই। বিস্ফোরণের ঘটনাটি আছে, কিন্তু আলো, শব্দ অথবা ধোঁয়া নেই। রসায়নের প্রক্রিয়াটুকু আছে, কিন্তু কোনো গন্ধ অথবা জ্বালা নেই, শেষে কোনো তলানি প'ড়ে থাকে না। নীমাহীন শূন্যতার মধ্যে কবিতাও পরম শূন্যতায় পরিণত হ'লো।

কিন্তু শূন্যতা তো অসংখ্য শব্দের মধ্যে আরেকটি শব্দমাত্র, উচ্চারণ করা চলে, বোধ করা যায় না। ষে-কবিতার অস্তিত্ব আছে, যে-কোনো কবিতা যা আমরা পড়েছি. প'ড়ে না-থাকি লেখা হয়েছে, লেখা না-হোক কেউ ভেবেছে, তার আয়তন আছে, গাঢ় চিত্রকল্প, রোমাঞ্চকর ধ্বনি ও আরো অনেক কিছু আছে। এতো না থাক, অন্তত কালের বিস্তারটুকু থাকতেই হবে। এবং, যেহেতু বেন-এর কবিতাও বইয়ের পাতায় ছাপা অক্ষরের সমষ্টি মাত্র, তাঁর পরম কবিতাও আসলে অশব্দ, জড়ব্দের ভারে জাগতিক।

বেন জড়বস্তুর ভয়ে ভীত ছিলেন। জড়ব বহ প্রকারের। কবিতায় যে-শব্দ, যে-ছন্দ স্বভাবত আসে তা জড়বস্তুর কৌশল, অভ্যাসের ছদ্মবেশ। স্মৃত্তরাং বেন সর্বদা সতর্ক ছিলেন, কবিতায় বেন অতর্কিত কিছু না থটে। কখনো তিনি প্রহরীদের নিদ্রিত হ'তে দেন নি, সচেতন প্রভুব আলগা হয়নি। শব্দগুলিকে তিনি অনবরত অসম্ভব সম্পর্কে বীথতে চেয়েছেন, মিশ্র চিত্রকল্পকে আরো সূদূর, ধ্বনিকে আরো অধৌজিক, বস্তুকে আরো বিভক্ত করতে চেয়েছেন। কিন্তু তার ফল হ'লো বিপরীত। আসলে, একেবারে নতুন কিছু লেখা যায় না। প্রাচীন ছাঁদ, পুরোনো কবিতার ঢং, কবিতা পড়ার ছেলেবেলার অভ্যাস—সব ঘুরে-ঘুরে আসে। সত্যই বা নতুন তার জন্ম কবি ক'দ পাতবার কৌশল আয়ত্ত করতে পারেন, শিকারের অপেক্ষায় সজাগ হ'য়ে ব'সে থাকবার উপযোগী মেজাজ ধীরে-ধীরে গ'ড়ে তোলেন, ঈপ্সিত মুহূর্তে এলে তা ষাতে চিনতে পারেন এমন শিক্ষা তাঁর থাকি উচিত। ইচ্ছামাত্রই নতুন

কবিতা রচনা করবার ক্ষমতা কারো নেই; এমনকি মালাৰ্ণেও যে তা পারতেন না তার প্রমাণ তিনি ঐ কয়টি কবিতামাত্র রচনা করেছিলেন এবং বন্ধাব্দের ভয় কখনো তাঁর ঘোচেনি। যা জানা আছে তাই শুধু ইচ্ছা করা চলে। তাহেতু বিনীত কবি ছন্দ, উপমা ও মিলের আশ্রয় নেন। ছন্দ ও মিলের কাঠি, এমনিতে, আধুনিক কবির কাছে খুব দামি মনে হয় না; আসলে, তিনি ঐ সমস্ত কৌশলের আশ্রয় নেন যাতে অভাবনীয় সংযোগগুলি আবিষ্কৃত হতে পারে, মিলের জড় যাতে চিন্তার লক্ষ্য বদলে যায়, আর উপমা—আধুনিক কবির সেই দিব্যাত্ম, তাঁর কিমিয়ার সেই গোপন দ্রাবক যাতে সব-কিছু গাঁলে যায়—কোনো-কোনো পরম মূর্ত্তে এমন প্রশস্ত ইন্দ্রিত ছড়িয়ে দেয় যা কবি ভাবতে পারেন নি, শুধু উপমার দায়ে পড়ে ভেবেছেন। কিন্তু গটক্রীড বেন্ তাঁর কবিতাকে এ-সব স্বেয়াণ গ্রহণ করতে দেন নি। তাঁর কবিতায় ছন্দ আর মিল সেই অটল নিয়ম, যার উপস্থিতি তিনি চরাচরে লক্ষ্য করেননি; উপমার সুপরিষ্কৃত অভিনবত্ব তাঁর ইচ্ছার সফলতায় হিম হয়ে জ'মে থাকে, কবিতার গতি তাঁর চালনায় কখনোই বিপথগামী হতে পারে না, তাই প্রতি পদক্ষেপে আড়ষ্ট হয়ে থাকে।

বেন্ স্বাধীনতাকে ইচ্ছাপূর্ত ব'লে ভেবেছিলেন। কিন্তু ইচ্ছার পূরণ বহুভাবে সম্ভব হ'তে পারে। কবি মাছেই নতুন কবিতার অন্বেষণ করেন। সেজ্জাই তিনি নিজেকে এমনভাবে প্রস্তুত করেন যাতে তাঁর ইঙ্গিয়গুলি প্রথর হয় এবং বোধে বিচিত্র অহুত্বিতগুলির অদ্বয় ঘটে; তিনি এমন কবিতা পাঠ করেন যাতে ভবিষ্যতের উৎকৃষ্ট কবিতা কী প্রকারের হবে তার কতকটা তিনি ঙ্গাচ করতে পারেন। কিন্তু সেই পরম আবিষ্কারটি আগে ঘটে না, রচনাটির প্রক্রিয়ার মধ্যেই আকস্মিকের সম্ভাবনা নিহিত। বিনি শুধু ইচ্ছার আক্ষরিক পূরণ চান তিনি দেখবেন যে পুনরাবৃত্তি ছাড়া তাঁর গতি নেই।

টোরিয়াও দ্বীপবাসীগণের মধ্যে মাছের যে-জন্মবৃত্তান্ত প্রচলিত আছে সেই পুরাণে বেন্-এর অপরাধের এক উপমা মেলে। কথিত আছে যে

আদিমাতা পৃথিবীতে নেমে এলেন সম্ভানের আকাঙ্ক্ষায়। কখনো পাহাড়ের চূড়ায়, কখনো বা প্রবালরীপে সমুদ্রের উপকূলে, গভীর আলস্তে তিনি শয়ান থাকতেন। নয় মেবীর গর্ভে বায়ু ও ধূলিকণা, সূর্যরশ্মি ও সমুদ্রের লবণাক্ত প্রাবিষ্ট হ'লো। সেই বিচিত্র বস্তুগুলির মিলনে প্রাণের জন্ম পড়ে উৎসবের পর বৎসর নতুন-নতুন প্রাণী তিনি গর্ভে ধারণ করলেন। এই প্রাণীকুলের জন্ম হ'লো। শেষে, এক চন্দ্রগ্রহণের সময় যখন তিনি এক গুণায়ানা, তখন সেই গুহার আবদ্ধ গন্ধ ও বাতাসের প্রভাবে মাছবের জন্ম জন্মালো। দশম মাসে এক কচ্ছা ভূমিষ্ট হলেন। সেই কচ্ছার যৌবন আগত হ'লে, তাঁকে গর্ভধারণের রহস্ত বৃষ্টিয়ে দিলে, আদিমাতা পৃথিবী ত্যাগ করলেন। প্রথম বৎসরেই কোঁতুহনী নারী সেই গুহার প্রবেশ করলেন, এবং স্বীয় মাতা তাঁর জন্মকালে যা-বা করেছিলেন তার পুনরাবৃত্তি করলেন। বৎসরান্তে প্রথম পুত্রব জন্মালো, দ্বিতীয় মানবী নয়। আশাহত রমণী তখন মাতার মতো নির্বিচার হলেন, কিন্তু তিনি আবিষ্কার করলেন অল্প কোনো প্রাণীধারণের ক্ষমতা তাঁর লুপ্ত হয়েছে। এইভাবে স্থপিতবের সমাপ্তি হ'লো, পুনরাবৃত্তির পালা শুরু হ'লো।

প্রাচীনেরা জানতেন যে আলস্ত বিরতি নয়। যে-মাছ কখনই অনায়াস হ'তে পারে না, ও যার সকল শ্রম এক পরিচিত অভীষ্টনিকির জড়, সে যা চাচ্ছে তাই শুধু পাবে, এবং এর চেয়ে কঠিন অভিপায় আর-কিছু নেই। মধ্যযুগের রাসায়নিক সোনা চেয়েছিলেন, তাঁরা তা পাননি এটা পরবর্তী মাছবের সৌভাগ্য। কিমিয়া এমন এক বিজ্ঞা যার মধ্যে বিষয়বৃষ্টির অথবা তাড়াহাড়োর স্থান নেই। 'আম চামচ সাপের বিষ, নীলার্চুণ ও কর্পূরের স্বে মিশিয়ে, অমাবস্তার রাতে হিরাকসে জ্বাল দেও...' এই হ'লো সেই ফরমূলা যার কলে আধুনিক রসায়নশাস্ত্রের জন্ম হ'লো। কলহম ভারত না-ভাবলে আমেরিকা যেতেন না। ঈধারের বদলে বৈজ্ঞানিকেরা মহাশুল্কয়ে সমর্থ হলেন। আদিকচ্ছা ভেবেছিলেন তাঁর মাতা যা কবেছিলেন তিনি আবার তা-ই করবেন। তাঁর উদ্দেশ্য সফল হ'লো কিন্তু অসীম জন্মের শ্রোত গেলে

বন্ধ হয়ে। তাঁর দৈব ক্ষমতা ক্ষয়ে গেলে তিনি মানবী হলেন। একই অপরাধে বেন্-এরও হৃষ্টক্ষমতা লুপ্ত হ'লো। যে-মাছ ঘ প্রাকায় ঈশিত্ব ও বশিত্ব প্রাজ্ঞা করেন, তিনি কাবোৱ আসল সম্পাদ—অপিতা, লখিতা ও সাখিতা বশিত হন।

এই ঘটনা কাবো যে-বশিত চাওয়া তাঁর অত্যায হযেছিলো, তা বদেশবাসীৱ হুদযে বেন্-এর না-চেযে পেলেন। মহাযুদ্ধেৱ পর জর্মানি বিভক্ত হ'লো, গবিত বিদেশী সেনাদল ঐহিক পরাজয়েৱ সংবাদ প্রচার করলো এং নৈতিক অংপাতেৱ দাযে প্রত্যেক জর্মানিকে বিভূষিত করবার জ্ঞত দেশী-বিদেশী অসংখ্য নীতিবাপীশেৱ আবিভাব হ'লো। মুক্ত পরাজয় বহ রাষ্ট্ৰেৱ ভাগোই ঘটে, কিন্তু এমনভাবে বিখিনিনিত কোনো জাতি হযনি। যখন প্রত্যেকে নিন্দা ও অভিসম্পাত করেছেন তখন জর্মানগণেৱ আপনাব বলতে শুধু একজনই ছিলেন যিনি অপৱ সকলেৱ মতো আৱস্তে অল্প একটু অত্যায করেছিলেন, মধ্যে তুল বৃততে পেৱে, আত্মনিগ্রহে প্রায়শ্চিত্তেৱ চেষ্টা করেন ও অস্তে সবাৱ সন্দে জাতিৱ লজ্জাব ভাগী হযেছিলেন। যখন সমুদ্রেৱ ওপাৱ থেকে টমাস মান্-এৱ কঠিন বিচাৱকেৱ কঠ শোনা গিৱেছিল, যখন বিদেশ থেকে গেৱর্গে জানালেন যে জর্মানিৱ সন্দে সংযোগ রাখবাৱ প্রযোজন আৱ তিনি বোধ করেন না, যখন গ্রোপিয়াস ও ব্ৰেখট আমেৱিকায চলে গেলেন, তখন আৱ কে ছিলেন যিনি অস্তত উপস্থিতিৱ আচে শীতান্ত পাপীজনদেৱ উক্ষতা জুগিৱেছিলেন। তাই, যদিও বেন্-এৱ গন্তে এমন জমকালো আত্মময়তা, প্রাকৃতজনেৱ প্রতি তাঁৱ অবজ্ঞা এতো স্থপৱিচিত, তল্প জর্মান তাঁকে এমনকি ঱িলকেৱ চেযে বেশি ভালোবাসে। তাঁৱ আচরণে জর্মানগণ সেই আত্মীয়তা অহুভব করেন যাৱ লেশ তাঁৱ কবিতায অথবা ঱িলকেৱ চৱিত্ৰে পান না। কবিতায যিনি দৈব ক্ষমতা চেযেছিলেন, জীবনে তিনি অত্যাচ মাছুযেৱ মতোই অসংখ্য তুল করেছিলেন। হযতো সেজ্ঞাই তাঁৱ সম্প্রতি প্রকাশিত পত্রাবলি তাঁৱ কবিতাৱ চাইতে অধিক পাঠক লাভ করেছে।

এমন পরিণতিৱ সাংকতে ঐ পুৱাণে নিহিত আছে। অনন্ত সমুদ্রে ভাসমান

প্রবালপুঞ্জ মহাদেশেৱ ব্যাপ্তি তো নেইই, অত্যাচ বাপেৱ স্থিতিও নেই। ঐ নাৱিকেল-শোভিত ভেলায চ'ড়ে যখন আদিমাতা লোকান্তরে চ'লে গেলেন তখন কছা দেবীযেৱ ক্ষমতাই শুধু পেলেন, সাহচর্ষেৱ উক্ষতা পেলেন না। ঐ নিঃসঙ্গ রাজ্যে অভিবিত্ত হওয়ার তুল্য অভিজ্ঞতা শুধু আধুনিক কবি লা করেছেন। কবিৱ অভিধান সমুদ্রযাত্রাৱ চেযে বিপঙ্কনক, তাঁৱ চৈততে তঁৱা ভেলাৱ চেযেও ক্ষীণ ও আন্দোলিত, ছন্দ উপমা ও মিলেৱ অনিশ্চিত হাওয়ার তাঁৱ গতি। চতুর্দিকেৱ শূন্যতা ভ'রে তোলাবাৱ জ্ঞত তিনি যে-সব ছায়াৱ আকৃতি গড়েন তাদেৱ চৱিত্ৰ কিংবা অবয়ব ঠিক মাছুযেৱ মতো নয়, তাৱা শুধু মাছুযেৱ উপমেয। তাৱা প্রত্যেকে স্বতন্ত্র, তাদেৱ সংখ্যা অগণ্য ও বিবর্তন অস্তহীন। যিনি ঐই ছায়াৱ সংসাৱে বাস করেন তাঁৱ অস্থিৱতাৱ শেষ নেই। যখনই শূন্যতা পীড়াদায়ক মনে হয, অজ্ঞ কোনো মাছুয—নগ্ন নাৱীৱ উক্ষতা, সবল পুরুষেৱ আশ্ৰয় প্রয়োজনীয় মনে হয, তখন তিনি শুধু আবাৱ একটি ছায়াৱ পুতুল গড়েন, আৱেকটি অভিবিত্ত কঠে শূন্যতাৱ আর্তনাদ জাগে। সেই আদিকছায়াৱ মতো তাঁৱও দৈব ক্ষমতা অভিণায মাজ। 'ফুল নেই, পাখি তাকে না, নাম ধ'রে ভবা গলায তাকে না কেউ। অচেনা দেশ, অস্থায়ী ঘর, শূন্য ঘরে নিঃসবল প্রাণ।'—কে আছে যাৱ কোনো-কোনো দুর্বল মুহূর্তে ঐই শূন্যতাৱ দেহালগুলি ভেঙে ফেলতে ইচ্ছে না করে, যে দেবতাৱ বদলে মাছুয হ'তে না চায়।

গটক্রীড় বেন্, ঐ আদিকছায়াৱ মতো, এক মানবোচিত দৌর্বল্যেৱ জ্ঞত ঈশিত্ব থেকে বশিত হলেন। কাৱণ, আসলে, তাঁৱ কাবো ঐ পশুযেৱ বন্দনা ও বিবেকেৱ বিক্ষুদ্বাচাৱ মনে হয যেন দুর্বল মাছুযেৱ অজ্ঞহাত, তাঁৱ যুগেৱ ও দেশেৱ সপক্ষে আৱেকটি যুক্তিসংগ্ৰহেৱ চেষ্টা। তাঁৱ জীবন ও কাবোৱ মধ্যে যে-আপত্তিক বৈসাদৃশ্য দেখা যায়, ক্রমশ তা এক গভীৱতৱ সংযোগেৱ আবাৱণ বলে প্রতিভাত হয়। 'আমরা আবিষ্কাৱ কবি যে তিনি নিতান্তই এক কালবন্ধ মাছুয; যে-কঠিন বিবাস তিনি প্রচার করেছেন তা আসলে নিজেৱ সাফাই; পুরুষকাৱেৱ বন্দনা ঘটনালিপ্তিত মাছুযেৱ ইচ্ছাহীনতাৱ প্রমাণ।

কারণ, যে-পশুশক্তির বিস্তার তিনি লক্ষ্য করেছিলেন তা নিষ্ঠুরতার পক্ষে কোনো যুক্তি নয়। তিনি বললেন যে বিবেকবান ব্যক্তির এ-যুগে বাঁচা সঠিক; যেন বিবেকের সমর্থন শুধু কার্যকারিতায় পাওয়া যায়। তিনি বলেন, প্রকৃতি নিষ্ঠুর; যেন সে-সংবাদ নতুন, যেন, যেহেতু কোনো-কোনো উদ্দেশ্যের সম্ভাবন উল্লেখ করে সেহেতু মাহুষের নিয়মও বদল করা উচিত। প্রকৃতি যদি নিষ্ঠুরতার যুক্তি ঘটে তা থেকে প্রমাণ হয় না যে এই পরিবর্তন কলাপকর, অথবা পশুদের বন্দনা মাহুষের রক্ত।

আসলে যে-একমাত্র বদল একালে হয়েছে তার নমুনা গটস্‌ট্রীড বেন্‌ স্বয়ং। গত যুগেও বাহু ও আচ্ছাদনের সম্ভাবন মাহুষ হয়রান হয়েছে, অপরিবর্তনীয় প্রাকৃতিক নিয়মে পৃথিবী লাটিমের মতো ঘুরছে, অরণ্যে খাপদ ও নগরে ষ্পিদ জন্তু সম্ভ্রাস সৃষ্টি করছে। কিন্তু যা ঘটছে তা-ই উচিত, এমন কথা কারো মনে হয়নি। একালে, এমন কি রাষ্ট্র গড়া হয় ঘটনাকে নৈতিক বলে স্বীকার করে নিয়ে। ঘটনাকে সমর্থন করার জগ্রেই আজ চৈতন্যের প্রয়োজন; যুক্তি আজ কল্পকর, যে-কোনো নিষ্ঠুরতা—জ্ঞাতির ও ব্যক্তির স্বাধীনতা অপহরণ, মৃত্যুদণ্ড, সাম্রাজ্য ও মুনফা, কারাগার ও গুপ্তচর—সব-কিছুর সমর্থনেই যুক্তি ধরে-ধরে সাজানো। যদিও মাহুষের সকল আচারই পরিবর্তনীয় (আর, সেহেতু, শোধানীয়), তবুও প্রত্যেকটির সমর্থনে অসংখ্য অজুহাত আবিষ্কার করা চলে; অবশ্রম্ভাবী, প্রাকৃতিক, সমাজের পক্ষে প্রয়োজনীয়—এ-রকম বিশেষণ মৃত্যুদণ্ডও, বর্ধাশ্রম, বহুবিবাহ, যুদ্ধ এবং আরো অনেক এ-বিধ আচার ও অস্বাভাব্য সম্পর্কে বহুবার ব্যবহৃত হয়েছে। এক অদ্ভুত জড়বাদের প্রভাবে আমরা ভাবতে শিখেছি যে, যেমন অটল নিয়মের প্রভাবে জীবনদাত্রী জল কালক্রমে হিমধারায় ভূগুপ্ত নিমগ্ন করে, এবং সময় হ'লে আবার আপনা থেকেই অপহৃত হয়, যেমন এই প্রকার ও সচেতনদের জন্তু আমরা আক্ষেপ করতে পারি না, তেমনি, একদিকে, কালক্রমে সমাজের পরিবর্তন অবশ্রম্ভাবী; অন্যদিকে, প্রত্যেকটি প্রতিষ্ঠান কোনো-না-কোনো কালে প্রয়োজনের অমোঘ তাগিদে যুক্তিপূর্ণ।

বেন্‌-এর মতে মাহুষ এবং অস্বাভাব্য প্রাণীর মধ্যে একটি ছাড়া অন্যই প্রভেদ আছে। মাহুষেরা কখনো-কখনো কল্পনার পরিচয় দেয়; যার, বিজ্ঞা সমরকৌশল, পুরাণসৃষ্টি,—এই সব প্রমাণ করে যে কোনো-কোনো মুহূর্তে মা পুরোনো আচার ভাগ করে ভিন্ন উপায় গ্রহণ করে। কিন্তু, এমনি মাহুষের ব্যবহারে বিশেষ বৈশিষ্ট্য লক্ষ্য করা যায় না। তার সামাজিক চিন্তা নিতান্তই প্রাকৃতিক। এমন কি দাসপ্রথা মাহুষের আগে পিঁপড়ের আবিষ্কার করেছে। শিল্পবিপ্লব যে চৈতন্যহীন শ্রমিকশ্রেণীর সৃষ্টি করেছে তাদের তুলনাও দক্ষিণ আমেরিকার সেই আশ্চর্য পিঁপড়ের মতো পাওয়া যায়, যারা যুদ্ধ যুত অপারদলীয় পিঁপড়ের ক্ষুধা ও যৌন ক্ষমতা নাশ করে দেয়, পরে সেই নিরাসক্ত বন্দীদের আহার গ্রহণ করতে বাধ্য করায় এবং অভাবের কালে তাদের জীবন্ত ভাঁড়ার হিশেবে ব্যবহার করে।

হুতরাং মাহুষের সভ্যতাগুলি যদি একের পর এক বিকশিত ও বিনষ্ট হয়, তবে এই প্রক্রিয়াকে প্রাকৃতিক ছাড়া আর কী-ই বা বলা যেতে পারে, এবং তাদের বিনাশ আক্ষেপেরই বা কী আছে? এবং সভ্যতাগুলির ক্ষয়ের কারণ যুক্তির অভাব কিংবা নৈতিক পতন নয়। একটি গাছের রস বৃদ্ধি পেলে তবে পাতা সবুজ, বাকল সজল হয়; সে-গাছের ফল রসনায় তৃপ্তিকর, সে-ফলের মুকুল ভ্রাণে মোহাবেশ সঞ্চারে সমর্থ—এই কারণে গাছের আয়ুর্ভুক্তি ঘটে না। তেমনি, যুক্তি ও নীতিবোধ সভ্যতার জীবনের প্রকাশ, সে-জীবনের কারণ নয়। হুতরাং সামাজিক নীতিরকার্ণে কড়া পাহারাওয়ার ব্যবস্থা করে, অথবা যুক্তিতে শান দিয়ে, কোনো যুতপ্রায় সভ্যতাকে বাঁচানো যায় না; মরা পাতায় সবুজ রং টেলে কে আর গাছকে বাঁচাতে পারে? কয়লার একটি টেলোয় যতোটুকু তাপ তা পুড়িয়ে ফেলে ফেরৎ পাওয়া যায় না। প্রত্যেকটি সভ্যতা সৃষ্টিমুহূর্তে যেটুকু শক্তি আহরণ করেছিলো তা ফুরিয়ে গেলে রোদন করে লাভ নেই। বরং পুরোনো সব নিয়ম লঙ্ঘন করে সভ্যতা যদি খেদ ও শোণিতের সরোবরে অবগাহন করে, তবে ব্যক্তি যে-উপায়ে শিল্প সৃষ্টি করেন ঠিক সে-উপায়ে সভ্যতাও নতুন তেজ লাভ করতে পারে।

লক্ষ্য করা বাবে যে সভ্যতার এই নতুন বিজ্ঞানের আড়ালে জাহ্নমকে বিশ্বাস লুকিয়ে আছে। এক দার্শনিক মতে কয়েকটি মাহুষ নিয়ে গড়া একটি প্রতিষ্ঠান খৃঃ এক অনৈতিক মূল্যে ইতিহাস, প্রাকৃতিক নিয়ম, সব-কিছুর প্রতীক প্রভূতে পরিণত হয়। সমান অনৈতিক উপায়ে, বেনু-এর সমাজদর্শনে, কবিতা তাই নবজন্মের উৎসে পরিণত হয়। এবং আমরা লক্ষ্য করি যে কখন বেনু-এর নতুন কবিতার খোঁসা ছাড়াই সেই এক পুরোনো কবিতার জাঁটি বেয়িয়ে পড়ে, তেমনি ধ্বংসের তাণ্ডবে পুরোনো স্বেচ্ছাচারই ক্ষমতাবিস্তার করে; নতুন সভ্যতা নয়—মধ্যযুগীয় চার্চ, কনস্টান্টিনোপলে ঐহিক প্রভুর কর্তৃত্ব—এই সব প্রাচীন আধারের কঠিন জাঁটো বাধুনিতে ধরা পড়ে নৈরাশ্য। যেমন মিল, উপমা, পূর্বতন কবিদের দৃষ্টান্ত আসলে নতুন হ'তে সাহায্য করে, তেমনি পুরোনো সমাজের বিশ্বাসগুলি—স্বাভাবিক প্রতি বিদ্রোহ, ব্যক্তির স্বাধীনতা, ভাষার সত্যতা ও যুক্তির বহুধের উপর আস্থা—এগুলি সভ্যতার বৃদ্ধিরই সহায়ক। এগুলিকে বিসর্জন দিলে স্বেচ্ছাচারের আদর্শ প্রকৃতিকে শুধু মূল্য দেওয়া হয়।

বেনু অবশ্য শেষ জীবনে তাঁর যুক্তির নিশ্চয়তাজননীয়তা বুঝতে পেরেছিলেন। যে-কোনো মত পুরোপুরি কাজে খাটলে কেমন হয় তার উদাহরণ আমাদের শতকে বহু আছে। এবং সে-রকম একটি তুমুল দৃষ্টান্ত যে-দেশ, সে-দেশে তিনি প্রায়তুল্য দুই দশক অতিবাহিত করেছিলেন। বেনু দেখলেন চতুর্দিকে স্বেদ ও শোণিতের বর্ষণ শুরু হ'লো। বৃষ্ণ বেনু সেই হত্যালীলার সপক্ষে সোচ্চার হবার দায় এড়াবার জন্য সেনাবাহিনীতে চিকিৎসকের কাজ নিলেন, এবং, কিছুকাল পরে ছাড়া পেয়ে, এমন নিশ্চন্দ নির্জনতায় প্রবেশ করলেন যে সেই নতুন বেনকে জর্মানগণ তুঘারসমূহে নিমর হিম্মতশেলের সঙ্গে তুলনা করেছেন। বৃষ্ণ বয়সে বেনু ইউরোপের আত্মকে নতুন করে চিনলেন—যে-ইউরোপ সাম্রাজ্যের বিস্তার ও বিরোধিতা করেছে, মারণাস্ত্র ও পেনিসিলিন সারা পৃথিবীতে ছড়িয়েছে, বিশ্ববাসীকে রাউলট আইন ও হেবিয়াস কর্পাস-এর আশ্বাস দিয়েছে, যন্ত্রের সৃষ্টি ক'রে সেই যন্ত্রকেই ভেঙেছে, নিজেদের পাত্রিকে

বিদেশে পাঠিয়েছে আবার নিজের সংস্কৃতিকে অস্বীকার ক'রে দেশত্যাগী হয়েছে।

বেনু লক্ষ্য করলেন যে তাঁর বিদ্রোহও নতুন নয়। সেই সব আ বিদ্রোহীদের দৃষ্টান্ত তাঁর মনে এলো,—পোপের শত্রু দাঙ্কে, চার্চের মিকেল-আঞ্জেলো এবং ইম্প্রানি সন্ত জন, রূপন মধ্যবিত্তের শত্রু রেমব্রাণ্ট, পাঁচ শত্রু গইয়া, 'প্রগতি'র শত্রু বোদলেয়ার,—যাদের রূপায় তিনি তাঁর নেতিবাদে আর-এক অর্থ খুঁজে পেলেন। 'ঐ নেতিবাদ কতো ভিন্ন প্রকারের ভূমি থেকে সংগ্রহ করেছে! ডুয়ার ধর্মে যা লাভ করলেন টলস্টয় মাহুষের নীতিতে তাই পুষ্টি পেলেন, ভাবনায় ও অভিধায় ক'র্ত বা আহরণ করেছিলেন গ্যোর্টে মাহুষের চরিত্রে তাই সংগ্রহ করলেন, আর বালজাক সমাজের রীতির মধ্যে আত্মার পুষ্টি খুঁজে পেলেন। তাঁদের প্রত্যেকের চৈত্র এই নেতিবোধে আচ্ছন্ন ছিলো। কিন্তু কী অসীম যন্ত্রে তাঁরা এই পরম শূন্যতাকে গোপন রাখতে চেয়েছেন, কতো দ্ব্যর্থক প্রস্নের বর্ম দিয়ে ঢেকেছেন নিজেদের, বহু শতাব্দী ধরে খেতজ্ঞাতির শ্রেষ্ঠ প্রতিনিধিগণ এই গোপনতাকে নিজেদের দায়িত্ব বলে ভুল করেছিলেন ('ইউরোপে শিল্প')' বেনু-এর মনে হ'লো যে তাঁর নেতিবাদ ইহজগতের কোনো সম্রাটের গড়া শাসনের সমর্থন করে না, আসলে তা সৃষ্টিশক্তির প্রকারান্তর। 'অথচ তাঁরা জানতেন কোন গভীর এবং শীতল এবং শূন্য গহ্বর থেকে আত্মা তাঁর সৃষ্টির রসদ সংগ্রহ ক'রে আনে, নেতিবোধ সেই অজৈব বস্তুর উপস্থিতির 'বীর্যমিত্র'। কোনো ধর্ম নয়, শক্তিমান শত্রু নয়, শুধু সৃষ্টির ঐ সব উজ্জ্বল দেবতাদের দৃষ্টান্ত তাঁকে বৃষ্ণ বয়সে সাহায্য করলো। যৌবনে তিনি অনেক পরিভ্রাজনে বিত্ত খুঁইয়ে ফেলেছিলেন; কিন্তু কবির কী অধিকার আছে জগৎকে উদ্ধার করার? মিষ্টন কি ঈশ্বরের সাফাই গাইতে গিয়ে নিজের ক্ষতি করেননি? গোটে কি সব বিপর্নিতের সময় খুঁজতে গিয়ে এক মহৎ কবিতার হানি করেননি? তিনি নিজের পূর্বরূত অপরাধে লজ্জিত হলেন না; আরো বড়ো কতো মাহুষ একই ভুল ভো করেছেন। অবশ্য, শেষ বয়সে সময় অল্প। কিন্তু দৌড়বার কোনো

দরকার নেই। তাড়াছড়ো করা অজ্ঞায়—তিনি নতুন করে বললেন। এখন শুধু কাঙ্ক্ষের সরোবরে স্থির হ'য়ে ডুবে থাক। শেষ বয়সের কোনো কবিতাই প্রায় প্রকাশ করলেন না। কিন্তু মধ্যবয়সে লেখা কবিতাটি এখনই সত্য হ'লো।

'A word, a gleam, a fire, a flight,
flame-jet and darting star in sky,
then monstrous dark resumes the night
in empty space : the World and I.'

অবশ্য, অনেকে এখন দর্শন চায়, অপরিচিতেরা চিঠি লেখেন—ভরুণ কবির পরামর্শ চান, কেউ-কেউ অকারণেই বিরক্ত করে। বেন্ এ-সব কমিয়ে দিলেন, কিন্তু রুচভাবে নয়, ধীরে-ধীরে। চিঠিগুলির ভাষা নরম ও সংক্ষিপ্ত; ভালোমন্দ বিচারের দায়িত্ব এককালের এই নিষ্ঠুর সমালোচক ছেড়ে দিলেন। কৌতুহলী ব্যক্তির, এবং যারা শুধুমাত্র একটু মজা পেতে চায়, আর তাঁকে খুঁচিয়ে কোনো উষ্ণ উক্তি বের করতে পারে না। ভক্তেরা আর প্রেরণা পায় না। কয়েকটি প্রবন্ধ বা প্রকাশিত হ'লো তাতে জগতের উল্লেখ বিশেষ নেই। এবং শেষে, তাঁর প্রায়-বিপরীত কবি মালার্দের মতো, জগৎকে সম্পূর্ণ-ভাবে পরিভাগ করবার ক্ষমতা তাঁর হ'লো। ভালেরী ও জয়েস-এর মৃত্যুর এগারো বছর পরে ইউরোপের 'শেষ' শিল্পীদের মধ্যে সবচেয়ে ষেচ্ছাচারী যুবক ও পরিপূর্ণ বুদ্ধ লোকান্তরে যেতে সমর্থ হলেন।

'The lively eyes that prod
the contents of my clothes
shuck me out of those
and I go bare as a god.'

—মালার্দে (ম্যাকিন্টায়ার-এর অল্পবাদ)

অগ্নিপ্রাণ

মৃগালকান্তি

রোজ চাই—কীটনষ্ট শিশুশাখা অবিরল নীলে,
বৃষ্টির ধারায় ধুয়ে নিতে চাই। আমার নিখিলে
বিষয় ছুঁবে শীত করে; পাকি কিংবা নই প্রজ্ঞাপতি,
দিন মাস বর্ষ যায়—ইটের দেয়ালে শুরু অব্যবহিত গতি।
ঈশ্বরের আশীর্বাদ নামে: রোজ করে—সোনা হয় ধূলি,
দুঃ মাঠ মাটি বাস অথথের পীত পাতাগুলি।
এইখানে বাসি অন্ধকার, ইটের ধূসর ধু-ধু মরু।
বিশাল তৃষ্ণার দাহ—আমি এক অভিশপ্ত তরু।
উই, ধুলো, কেন্দ্রকীর্ণ অন্ধকারে আচ্ছি আর নিরবধি
বিশীর্ণ আমার দেহে তীব্রবিষ বহে নীল যন্ত্রণার নদী।—
এর থেকে মুক্তি আছে, আমার আত্মায় তাই
অনির্বাণ মুক্তির বাসনা—
কী এক আশ্চর্য মন্ত্রে মাটি হয় ফুল, মেঘ হয় পাখি,
আমিও অমৃত-নভে মেলে দেবো ডানা।

চতুর্দশ

শক্তি চট্টোপাধ্যায়

খুব বেশি দিন বাঁচবো না আমি বাঁচতে চাই না,
শক্ত ফুটলে আমি নেবো তার মুক্ত দৃষ্টি,
নিজস্ব গৃহে প্রজ্ঞা বসিয়েছি, প্রায়াক্ষকার,
কিছু-কিছু নেবো কিছুদিন, বেশি বাঁচতে চাই না।

এই অপরূপ পৃথিবী সেদিকে যাবো না মিথ্যা,
বাসনা যেমন চঞ্চল তার বিশাল জ্ঞানি না,
রমণী কখন প্রিয় করে, হা রে স্বয়ং জানে কি,
তবু বেশি দিন বাঁচবো না আমি বাঁচতে চাই না।

শুধু বা দৃষ্টি; অন্তঃস্থল যে খোঁড়ে খুঁড়ুক,
ভালমান নদী ভাসাও নৌকা ভাসাও নৌকা...
যৌবন হায়; চলে যাবো আমি, চাষা বা ডুবুরি।
যেতে সংসারে অক্ষয় বাঁচো দৃঢ় জলৌকা।

আহা বেশি দিন বাঁচবো না আমি বাঁচতে চাই না,
কে চাইবে রোদ আঁচিা অনল, কে চিরবৃষ্টি ?
অনভিজ্ঞতা বাড়ায় পৃথিবী বাড়ায় শাস্তি,
প্রাচীন বয়সে দুঃখের শ্লোক গাইবো না আমি, গাইতে চাই না।

দায়

প্রণবেন্দু দাশগুপ্ত

চোখ নেই তেমন আকাশে—
তোমাকে ছুঁয়েই সব শাস্ত হ'য়ে আছে,
প্রপিতামহের কণ্ঠ আমার গলায়
সেও কি তোমায় ভালবেসে !

যেতে হ'লে, ঢের দূরে যেতে হয়
অভূত কুর্দুরি ঘর অলীক অচেনা,
নেহাং আলস্ত নয় আমার বিনয়
বস্তত, তুমি এক দেনা।

না হ'লে, লাফানো যেন আকাল কি পাথর জড়িয়ে
কর্কশ, করুণ মাটি রাঙে ভিজ্জে-ভিজ্জে...
কিন্তু যে-কোনো মৃত্যু স্পষ্ট বরণীয়
বিশেষত, রোমাঞ্চদিরিজে ;

দৃশ্যছবিগন্ধময় প্রণয়ীবহুল জনপদে
ভেবেছি কখন যাবো হাওয়া, কিংবা নেতার দাপটে—
কিন্তু ততোবার তুমি বাধা দাও জন্ত পদে-পদে

পুরোনো চাবির রিং, হায়, বেজে ওঠে।

শব্দযাত্রার শেষে

মানবেন্দ্র বন্দ্যোপাধ্যায়

কেউ কি জানতো তারা

ফিরবে? হয়তো আশা করেছিলো কেউ-কেউ:

দূরের শীর্ণ নদীতীরে যেমন ছিলো

মৃতসেহের ধ্বংসাবশেষ, খণ্ডাভ্রাতানো হাড়ের মতো বালি,

তেমনি ছিলো সারি-সারি চাকায় দাগ, না শেয়াল,

না শকুন, কেউ বা মুছে নিতে পারেনি।

অন্তত তারা তো উন্মাদ, ভেবেছিলো

জয়গান গেয়ে ফিরবে।

শব্দযাত্রার গান

মুহমান করলো পরদিনের আলোকিত উপক্রম।

আসলে, সন্দেহেলায় যখন শীতের দাঁতালো অরণ্যে

মারাত্মক তলোয়ারের ঝঙ্কার প্রতিক্ষিনি বেজেছিলো,

যখন সোনালি সমভূমি আর নীল হ্রদের উপর দিয়ে

ভীষণ সূর্য গড়িয়ে গিয়েছিলো মাতাল শকটের মতো,

দুয়ার বন্ধ ক'রে তখন অনেকে বলাবলি করেছিলো, হয়তো

তারা ফিরবে।

২

হয়তো তারা ফিরতো, কিন্তু রাগি কালো একটানা রাজি

এসে আলিঙ্গন করলে মৃত বোন্ধাদের; পুনরুত্থানের

সম্ভাবনা গেলো তলিয়ে, আর কুচকাওয়াজের দামামা

যে বাজাতে পারতো, বিধ্বস্ত গলায় সে

মুখর হ'লো বহু বিলাপে, যা কেবল শুনলো উৎকর্ণ অন্ধকার।

উপত্যকার নিবিড় হিজল বনের উপর

জড়ো হ'লো লাল মেঘ; গধরুর ভিতরে পথ গেছে পাতালে,

সেখানে থাকেন দেবতারা: চাঁদের মতো ঠাণ্ডা

উৎসারিত শোণিতধারা ব'য়ে গেলো স্তব্ধ, স্কল পথ

মিশলো কালো মোহানায়।

৩

রাজির সোনালি শাখার নিচে নীল নক্ষত্রবৃন্দের

তরঙ্গময় আবছায়ায় স্তব্ধ অরণ্য

ঘাড়ের রৌয়া ফুলিয়ে উঠে দাঁড়ালো

রক্তাক্ত শরীরগুলিকে অভিমান জানাতে, আর

নলখাগড়ার বনে এলোমেলো ঠাণ্ডা হাওয়া হানলো

বাঁশির নরম গীতময় উচ্চারণ। তপ্ত

অগ্নিশিখা প্রথমে দীর্ঘ হ'লো প্রবল বেদনায়, তারপর আঁকাবাঁকা, অ:

গোপন বাসস্থান থেকে বেরিয়ে এলো জলজলে বাধ, অরণ্যের

সোনালি-ভীষণ হৃৎযম।

উন্মাদ,

তারা ভেবেছিলো জয়গান গেয়ে ফিরবে।

৪

ছিন্নভিন্ন শিখরের উপর হা-হা ব'য়ে গেলো

প্রেতের নিশ্বাসের মতো এক বলক হাওয়া।

ইতিকথা

ভার্নাপদ রায়

এক

ফিরে যাওয়া যায়।
হঠাৎ পথে নেমে, জামতলা পার হয়ে
এক পা খুলো আর হাতভরা শাপলার ফুল,
তোমার দরোজায় গিয়ে দাঁড়াতে পারি।

সন্ধ্যাবেলা। রান্নাঘরের ফাঁকে কেবোদিনের কুপি জলছে
হলুদমাখা হাতে আলগোছে ঘোমটা টেনে
তুমি বললে,

‘কতদিন পরে এলে।’

তখন সারা উঠোন জুড়ে বাতাবির ফুল ছড়িয়ে আছে।
মাঘের স্তন্ধ হাওয়া
পুকুরের জলে জোনাকির ছায়া।

কতদিনের কত ছবি।

তবু কি ফেরা যায় ॥

ছুই

পুরোনো ফুরের গানে মন আর ভরে না।
সাবেকি সংসারের দেয়ালে-দেয়ালে
অনেক কালের অনেক কোলাহল জ’মে রয়েছে।
রান্নাঘরের কোণায়
পেতলের গামলার নিচে ঢাকা ঠাণ্ডা ভাত।

রৌয়া-গুঠা বুড়ো বেড়াল ঘুরছে এ-ঘর থেকে ও-ঘরে।
দিন আর রাত্রির ফাঁকে-ফাঁকে
একঘেয়েমির ক্লাস্তি।
যদি পালিয়ে যাওয়া যায়।

কিন্তু ততদিনে হয়তো
অস্ত্রের কাঠঁপার ডালে আবার কুঁড়ি ধরেছে,
আর
ভিন্ন কালের গৃহবধুর মতো
লালচেলি, রঙিন শাঁখা, আলতা পাত্রে
তুমি এই সাবেক দিনের উঠানে এসে পঁড়িয়েছো ॥

তিন

ফিরিয়ে এনো। আমাকে ডেকে ফিরিয়ে নিয়ে ঘরে।
কখনো যদি হারিয়ে যাই,
এ-পথ থেকে, এ-ঘর থেকে।
এই যে দিন জানলা ধ’রে দাঁড়িয়ে আছে,
শালিক পাখি, কাঠবেড়ালির চলাফেরা
চিকন আলো ঝাঁঠালপাতার ফাঁকে।
কালকে যদি মেলার ভিড়ে হারিয়ে যাই;
ছবির মতো আমার বাড়ি
ফেয়ার পথ যদিই ভুলে যাই:
ফিরিয়ে এনো। ফিরিয়ে নিয়ে ডেকে ॥

চার

শীতের চকিত গ্রহর
চিলেকোঠার আলসেতে হেলান দিয়েই উঠে পড়ে।

দীর্ঘ, দীর্ঘতর হিজলের ছায়া,
হেমস্তের বাতাসে খানভানার গন্ধ,
থড়ের জালায় পায়রাবধুর মানভঙ্গনের পাল।
আলোমেলো কুয়াশায়

হিম-হিম বিকেলের নীল-ছায়া।
অনেক দূরের দিনে, অনেক দূরের গ্রামে—
স্বরণের পাঁচিলে পাতা হ'য়ে দোলে
অজ্ঞানের নিরুদ্দেশ কুয়াশা।

পাঁচ

একগুচ্ছ রজনীগন্ধার মতো কোমল উজ্জল
আমার বোবনের এই দিনগুলি
আমি তোমাকে হাত ভ'রে দিতে পারি।
ছাখো কী আশ্চর্য
পুরোনো দিঘির শাওলা-জমা জলে
স্পর্ধিতগ্রীবী মরালের মতো আমার বোবন
অনায়াস ভেসে চলেছে,
ছাখো আকাশ তার স্বদূরতার পর্দা ছিঁড়ে
সোনার মুকুট প'রে আঙিনায় এসে দাঁড়ালো।

বাসনার রঙে উজ্জল এই আমার দিনগুলি
তোমাকে দিতে পারি,
তোমাকে সাজাতে পারি এই দিনগুলোয়।
কেবল অনেকদিন পরে আরেক দিন
মুড়ুর গুরু গুরুতায়
তুমি আমাকে কিরিয়ে দিয়ে
বাসি রজনীগন্ধার করুণ ভালোবাসা
আমার বোবনের এই দিনগুলি ॥

আলো-শরীর

গোবিন্দ মুখোপাধ্যায়

আমারই দেহের ছায়া, কোন আলোয় দীর্ঘতর হয় ?
পাশেই রয়েছে তুমি ; যতো কাছে ততোই নির্ভয়
ছায়ার মাছব আমি। বিস্থিত প্রদীপ নিয়ে হাতে
কাছে বাই, প্রপাতের গান শুনি দৃষ্টির পশ্চাতে,

মনে হয়। তুমি নও, অজ্ঞ কেউ শরীরের ঋণ
শোধ ক'রে দিতে আসে। সকালে হৃগুরে প্রতিদিন
টিকটিকি-স্বদয় থাকে দেয়ালের শূণ্যে ফুলে একা ;
যে-আলোতে ছায়া দীর্ঘ হয় সেই আলোকের দেখা

সন্ধ্যায় কখন পাবে ? প্রতিটি মুহূর্তে বেড়ে ক'রে
অর্ধনারীখর ছায়া তুপ্ত হবে পার্থিব নিয়মে।
ছায়ার অরণ্য আমি, আলোর শরীরে তুমি দূর
নক্ষত্রের গান আনো ; সকালে হারায় তার স্বর ;

ক্রমে ছায়া হ্রস্ব হয়, আমি নিঃস্ব হই একেবারে ;
পিপাসার্ত, হিংস্র স্নায়ু ভেঙে পড়ে অব্যক্ত চিন্কারে।

ছটি কবিতা

শোভন সোম

এক

জল ছুঁয়ে হাওয়া গুঁটালো পদ্ম পাতা
সব পদ্ম জান হয়ে রইলো একটি পদ্ম
চেউ ভেঙে-ভেঙে বৃত্ত থেকে বৃত্ত আঁকলো
—ভূমি যখন নাইতে নামলে।

দুই

এক ফোঁটা—হু ফোঁটা—বুষ্টির ছুরন্ত ফোঁটার জল কেঁপে উঠলো
টিপটিপ নূপুরধনি কিশোর সবুজ পাতায়-পাতায়
কণা-কণা মুক্তোর মতো হাওয়ার হু হাতে বুষ্টির ফোঁটা

একটি—দুটি—ভালোবাসার মুহূর্ত আমার বুক ভাংরে দিলো
বুষ্টির ছুরন্ত ফোঁটার মতো।

ছটি কবিতা

দেবতোষ বসু

শূন্যতা

অদূরে ভূমিষ্ঠ রাত্রি, মহাশূন্যে তারকা বর্গত
মর্তছবি ক্রমে অবশান;
স্বরজ মুরলী স্থির, নীলিমার বৃকে তন্ত্রাহত
শব্দহীন সে-গীতবিতান।

অথচ এখনো পাশে শুয়ে আছে ঘনিষ্ঠ আবেগ
নশ্বরতা শুরু এ-প্রহরে।
গত যা নিমিত্ত মাত্র; বর্তমানে অন্ধ কালো মেঘ
মৃত্যু ডাকে চতুর্ভুজ ঘরে।

প্রসিক্ত স্বপ্নের দেশে হৃৎসংগত এখন প্রস্থান—
ঘায়ে মৃত্ত অতল্ল মরণ।
একাকী ঘূর্ণিত বিশ্ব, কক্ষপথে আমি ধাবমান
সহযাত্রী শুধু মৃত মন।

পূর্বাভাস

মধ্যদিনে নিকৃৎদেশ মেঘে
ছেয়ে গেলো দৃশ্য জিভুবন।
শুরু হ'লো ছুরন্ত আবেগে
তুষারের বাষ্পীয় ভবন।

কবিতা

চৈত্র ১৩৬৪

কম্পান মাটির সন্মানে
ঝোড়ো দিনে শাকী মহীকহ—
তারো উদ্দেশে ভূমধ্য আকাশে
মেঘাবর্ত রচে চক্রবাহ।
এইবার বৃষ্টি শুরু হবে—
সুক্ল মেঘ; জলভারানত।
আমি স্বল্প ছায়ার বৈভবে
অন্তরীক্ষে সে তড়িতাহত।

কবিতা

বর্ষ ২২, সংখ্যা ৩

স্মৃতি ও সে

গোকমা বিকেলে ক্রান্ত হাটের মতো

গোকমা বিকেলে ক্রান্ত হাটের মতো
তারা আসে চিন্তার ধূসর রাস্তা ধরে
শৌখিন, স্বভদ্র মুখ থেকে রংচাটে গিয়ে তারা
অধুনা জলের মতো বর্ণহীন, ধরা-পায়ে আসে :
সারি-সারি ছায়া।

মুহুরন্দ-চাঁপার গা বেঁধে নিচে নীল হ্রদে
শানুকের সংক্ষিপ্ত পাড়ায় ঘুরতো জল-ঢোড়া,
সে কর্ণন বোদে জলে মজ্জা পড়ে গেছে,
নরম শরীর তার বলের মতন লুফে নেবে
খেলোয়াড় কাক, চিল অথবা শকুন :

অতান্ত সহজ এই প্রতিপাতা। তবু সমাধানে
সম্ভট হয় না কেউ : না তুমি, না তারা।
অথচ স্বপ্নই কোনো প্রশ্ন নেই, নেই প্রতিবাদ।
শুধু আসে চিন্তার ধূসর রাস্তা ধরে, তুমি দেখো,
আকাবাকা সারি-সারি ছায়া—
জলের মতোই বর্ণহীন।

সমুদ্রের তলদেশে বারুণী কছার নাচবরে
ফটিক স্তম্ভের মধ্যে লাল, নীল, সবুজ আলোর
মশগুল মঞ্জলিশ। কোনো তীর ঘূর্ণি, ফুকম্পে কাঁপে না,
দোলে না, ভাঙে না কিছু। হঠকারী অব্যাহা বাতাস
ফুল বুকে মাথা-নিচু ফিরে যায়। ছায়াও পড়ে না।

সকাল : কুমারহট্ট

বিশ্ব বন্দ্যোপাধ্যায়

বহুদিন পরে এখানে কে এলো ?
সকাল বললো—সুভদিন ভেল ;
প্রতীক্ষা ক'রে আছে বৃষ্টি এক অমূল্য অর্জন ।
স্বর্ধের হাত পড়েনি বাগানে—আবছায়া নির্জন ।
হলুদ টোপের শালিকেরা চরে পুকুরপাড়ের ঘাসে—
তুণ খুঁটে-খুঁটে কী যে খুঁজে পেলো ?
তারাও বললো—সুভদিন ভেল !
জল-ছলছল ঠাকুর-দিঘিতে আকাশের ছায়া ভাসে—
উড়ে-উড়ে শাদা মেঘের আড়ালে সকালবেলার চাঁদ
বাই-বাই ক'রে তবুও যায় না উপভোগ করে কুড়েমির আবাদ ।
ঝরা পাতা যত বাঁচ দিয়ে-দিয়ে জড়ো করে দেখি মালি,
আনমনা চোখ চেয়ে থাকে আর মন হ'য়ে যায় খালি ।
আড়ালের ঐ গাবগাছটায় ভাঙা পাচিলের পাশে
কোঁচানো ডুরেটি কুলিয়ে রেখে কে সোজা ঘাটে চ'লে আসে ?
গোরোচনা গোরী নবীনী কিশোরী কে ধনী মাজিছে গা,
হালিশহরের পুরোনো ভিটের ভাঙা ও-জানালাটা ।
মো-খদি-সিনাই-আগিলা-ঘাটে-আর-ঘাটে-পিয়া-নায়
এমনি একটি দিঘির সকাল জানালায় ভেকে যায় ।

ছটি কবিতা

নবনীতা দেব

মিথ্যে

আমি জিজ্ঞেস করলুম, আয়না তুমি কার, পারুল তুমি কার, ইচ্ছে তুমি কার ।
ওরা বললে, কেন, তোমার । আমি বললুম, কক্থনও না । ওরা হাসলো ।
আবার বললুম, আয়না তুমি কার, পারুল তুমি কার, ইচ্ছে তুমি কার ।
ওরা বললে, শুধু তোমার । আমি বললুম, বিশ্বাস করি না । ওরা কাঁদলো ।
যেদিন ডাকলুম, আয়না তুমি আমার, পারুল তুমি আমার, ইচ্ছে তুমি
আমার,—সেদিন রূপেপালি বড় গৌ-গৌ ক'রে রেগে বললে, মিথ্যে কথা ।
আমি বললুম, না, না—বড় বললে, মিথ্যে কথা । আমি কাঁদলুম, আমার,
আমার । ওরা সাড়া দিলে না ।

রূপেপালি বড় হা-হা ক'রে হেসে ব'লে গেলো, মিথ্যাবাদী ॥

দৃন্দ

একবার আমার দিকে চোখ তুলে তাকাও
আমি তোমার চোখের মধ্যে একটু হাসি ।
সে-হাসির আদরে তোমার চোখ কাঁপুক
তোমার চোখ কাঁপুক
তোমার চোখ লাজুক
আমি কাঁপি, আমি কাঁদি, আমি দাঁড়াই ।
তোমারই মতো একা, ব্যাপ্ত,
সহস্রাঙ্ক, সহস্রবাহ,
অনাদি, অনন্ত, অজ্বর
নিজের অস্তিত্ব নিয়ে অহঙ্কণ লীলায়িত
আমি
তোমার আশ্চর্য অনিবার্য সঙ্গী ।

ওপরে ফাঁকা নিচে ফাঁকা সামনে ফাঁকা পিছনে ফাঁকা

নিময়-বধন আপনি ফাঁকি দেয়

নেই তো ইচ্ছার লয়।

আমি এসেছি, তুমিও এইবার এগিয়ে আসবে

রাগ কোরো না ভাগ কোরো না আশা কোরো না, শুধু তাকাও

আমার নির্মল আকাশে তোমার সোনালি রোদুদ

ভয় কোরো না জয় কোরো না ছল কোরো না, শুধু তাকাও

তোমারই মতো উজ্জল আর নিঃশব্দ, দগ্ধিত আর মায়াবী,

পবিত্র আর করুণ আঁখির অরণ্যে

প্রাবণের বুষ্টির মতো তীক্ষ্ণও

ভৈরবী স্বপ্নের মতো

বৈরাগী যত্নের মতো

নিশ্চিত

আর মনে করো তুমি আমার জন্তে

বুষ্টি আমার জন্তে, বকুল আমার জন্তে, শস্ত্র আমার জন্তে

মনে করো, জুঃষপ আমার, নৈবেদ্য আমার, চেতন আমার

আর তখন আমি তোমার হই, তখন

আমি তোমার হই

তুমি

আমার কোলের শিশু হ'য়ে আমাকে বরণ করো।

আমাকে হরণ করো।

পূরণ করো ॥

রুক্মিণী বাদী

সম্পাদিত করকার

তুমি কি কখনো শুনেছো

হারমনিআম ? অবশ্যই শুনেছো।

শাদা কালো রীতের ওপর

হাতের হৃদয় আঙুল চালিয়ে

তুমি ব্যাকুল গলায় আকুল করেছেো

আমায়। কতবার...ক-ত-বা-র।

কিন্তু ওই পর্যন্ত।

আজ যে-কাহিনী বলবো,

তা অজ ধরনের।

গিয়েছিলাম কুখ্যাত গলির মধ্যে

রুক্মিণীর ওখানে। সে আমায় গান শোনালো

ভাঙা হারমনিআমে। তবু তারই মধ্যে

শুনলাম যানবাত্মার যন্ত্রণা। সে পারেনি ইলেকট্রিক-বিল

শোধ করতে, তাই

স্বোমবাতি জ্বলেছে। তারই আলায়ে কাঁচুলি-বাঁধা

চালশে রুক্মিণীকে যেন প্রেতিনী মনে হচ্ছে।

গজল-যেঁষা স্বরে সে বারবার গাইছে,

'নারে হুনিয়া যুম আয়ি

তারিভি পেয়ার না মিলি...'

আমি সারা বিধে ঘুরছি অনেক,

তবুও ভালোবাসা পাইনি...

গাইছে রুক্মিণী বাদী, সে-গলা নেই,

যে-গলা শুনেত

একদিন ভক্তের নিত্য আনাগোনা ছিলো।

সে-দেহ নেই।

হারমনিআম পর্যন্ত বেহুরো হয়েছে।

তবলচিও নেই, তাই বোধ হয় বৃষ্টি

সঙ্গত ক'রে চলেছে টিনের চালে।

তবু মনে হ'লো এমন গান স্তম্বিনি

কখনো।

আধো আলোয় আধো অন্ধকারে

দেয়ালে কাঁপছে রুক্মিণীর ছায়া,

মনে হ'লো এমনিভাবে একাকীত্বের বীধন ভাঙতে না-পেপের

কাঁপছে, হ্যাঁ, কাঁপছে, কাঁপছে রুক্মিণী নিজে।

সমালোচনা

শোহিনী: সৌমিত্রশঙ্কর দাশগুপ্ত। আনন্দ পাবলিশার্স। দু টাকা

মনবাউ: বীরেন্দ্র বন্দ্যোপাধ্যায়। এম. সি. সরকার এণ্ড সন্স। দু টাকা
নাবী ফসল: সুনীল চট্টোপাধ্যায়।

অমল দত্ত কর্তৃক প্রকাশিত। দু টাকা

একা এবং কয়েকজন: সুনীল গঙ্গোপাধ্যায়। সাহিত্যপ্রকাশক।

দু টাকা

অন্তর্গতি: পূর্ণেন্দুবিকাশ ভট্টাচার্য। শতভিরা। দেড় টাকা

একজনের কবিতা থেকে অত্রের কবিতা আলাদা ক'রে চেনা যায় না—এ-রকম যে-অভিযোগ সাম্প্রতিক বাংলা কবিতা সম্পর্কে প্রচলিত আছে, এই পাঁচটি কবিতার বই তার প্রতিবাদ করবে। আমার এই উক্তির উদ্দেশ্য নিছক প্রশংসা নয়, কেননা কবিতাগুলো নিজেরা ভালো না-হ'লে, শুধুমাত্র পারস্পরিক পার্থক্য নিশ্চয়ই তাদের স্নানমের সাহায্য করবে না। এবং, পরস্পরের সঙ্গে পার্থক্য থাকা সত্ত্বেও, রবীন্দ্রনাথের পর যে চার-পাঁচজন জ্যেষ্ঠ কবির কথা আধুনিক বাংলা কবিতার প্রসঙ্গে এক নিখাসে উচ্চারণ করা হয়, তাঁদের প্রত্যক্ষ বা পরোক্ষ প্রভাব, এমনকি স্পষ্ট অস্বকরণ পর্যন্ত, এঁদের কবিতায় অনায়াসে চোখে পড়ে। তাছাড়া, শব্দব্যবহারের ধারণায় এই পাঁচজন কবি এমন কোনো মৌলিক পার্থক্য ঘটান নি, যাতে এঁদের কাব্যচর্চা কোনো উল্লেখযোগ্য পরিবর্তনের সঙ্গে যুক্ত হ'তে পারে। তৎসত্ত্বেও, এঁদের কবিতা পাঁচে মনে হ'লো যে, ধীরে-ধীরে, প্রায় চোখে-না-পড়বার মতো আস্তে, বাংলা কবিতার বিবর্তনকে এঁরা নিঃসন্দেহে এগিয়ে নিয়ে চলেছেন, এমন একটা-কিছু এঁরা করেছেন বা করছেন, যাতে অন্তত নূনতম একটি স্বকৃতির দাবি আগামী যে-কোনো কবিগণঃপ্রার্থীর কাছে নির্দিষ্ট হ'য়ে রইলো।

সৌমিত্রশঙ্কর দাশগুপ্তের 'শোহিনী'তে, অবশ্য, সাম্প্রতিক কবিতার লক্ষণ কমই মেলে। এমনকি, কলাকৌশলের যে-প্রচলিত চরিত্রটি প্রায় হাতের

কাছে পাওয়া যায়, তারই একটি সমঝী সংস্করণ ছাড়া, সমকাল বা সমকালীন বাংলা কবিতার সঙ্গে তাঁর কবিতার সম্পর্ক খুব স্পষ্ট নয়। তাঁর কবিতায় দার্শনিকতার আভাস আছে, স্নিগ্ধ নির্লিপ্ততা আছে, কিন্তু তাঁর কাব্যদর্শ উচ্চাকাঙ্ক্ষী নয়। কোনো-কোনো স্থান মুহূর্তে আমাদের মন উদ্দীপ্ত হয়, প্রবৃত্ত হয়, এবং, হয়তো বা, অন্তরের সঙ্গে সংশ্লিষ্ট হয়—এটুকু ছাড়া তাঁর বক্তব্য নেই। এবং এ-কথা তিনি ঘুরিয়ে-ফিরিয়ে লেখেন নি, এবং অস্থূল প্রাকৃতিক পরিবেশে কিংবা নির্মল কোনো মুহূর্তে, কারো মানসিক অবস্থা বোঝাতে তিনি যে-সব কবিতা রচনা করেন, তাদের নাম, 'সবুজ চেতনা', 'চেতনা : পলাশ', ও 'চেতনা-দীপ'। এই কবিতা তিনটি তিনি পর-পর রেখেছেন বইতে, এবং তিনটিতেই 'চেতনা' শব্দটির ছড়াছড়ি। অথচ, ঐ শব্দটিকে বর্জন করেও কবিতা তিনটির উদ্দেশ্য সফল হ'তে পারতো; হ'লে, কবিতাগুলো যে আরো ভালো হ'তো, তাতে আমার কোনো সন্দেহ নেই।

পূর্বোক্ত কবির তুলনায় বীরেন্দ্র বন্দ্যোপাধ্যায় অনেক বেশি সমকালীন। বিধা, বন্দ, অবিধাস, আত্মবিলেবণ,—সাম্প্রতিক জীবনের অনেক লক্ষণই তাঁর কবিতা স্পর্শ করে গেছে। কিন্তু এর কবিতায় নিপুণ ও অক্ষম পংক্তি পাশাপাশি স্থান পেয়ে থাকে। যেমন, "দেয়ালের ছবিগুলি দূর দেশ থেকে। আমাকে আশ্চর্য হ'য়ে দেখে—(আকাশ-প্রদীপ)"—ভালো, কিন্তু তার দু-লাইন পরেই "অনেক প্রাচীন হ্র বয়ে-বয়ে আজ। মহাকাশে বৃষ্টি হায় নেই কোনো কাজ!" (বিস্ময়-চিহ্নটি আমার।) বইয়ের প্রথম কবিতাটিতে "রবিঠাকুর, পেঙ্গুইন, আর। রাজনৈতিক ইন্তাহার।—বাজার ভরতি দেনা। (খোল ঘর)"—কবির একটি বিশেষ মেজাজ পাওয়া যায়, কিন্তু তার পরের কবিতাটিতেই চোখে পড়ে "স্বপ্ন অভিষ্টিতে সে-ও অতল অধর।"

'শাল ফুল' এবং 'সাঁওতালি হ্র' কবিতা দুটির ভূমিকা বিশেষে কিছুটা করে গল্প লেখা আছে। এই গল্পাংশের তাৎপর্য আমি বুঝতে পারি নি—শালফুল এবং সাঁওতালি হ্র কবির পরিচয়পত্র ছাড়াও আমাদের কাছে খুব অজানা থাকতো বলে মনে হয় না। বইটির অনেক কবিতাতেই, যেমন

'স্বর্ধার পাখি', 'বক' কি 'পথ-চাওয়া দিনের কবিতা'—লেখকের সহজ কবিত্বের পরিচয় পেলাম।

কিন্তু 'মনঝাড়' নামটিকে কি এখন আর কবিত্বময়ও বলা যাবে ?

'নাই ফসলের' কবিতার ক্রটিবিচ্যুতি পাতা ওন্টালেই চোখে পড়ে, কিন্তু তা ছাড়াও যা চোখে পড়ে, তা হচ্ছে একটি স্পর্শসহ, তপ্ত পদার্থ, যার সঠিক সংজ্ঞা হয়তো দেয়া চলে না, কিন্তু কবিতার পক্ষে যাকে একটি গুণ বলে চেনা যায়। 'কথা দিয়ে কিছু ছোঁয়ার প্রয়াস করি'—তাঁর কবিতায় এই উক্তিটি এই স্তরে তাৎপর্যময়। প্রথমত, তাঁর অধিকাংশ কবিতায় একটি শরীরগী নায়িকার দেখা পাওয়া যায়; দ্বিতীয়ত, তিনি কখনোই নায়িকার অঙ্গবর্ণনায় তাঁর কবিতা শেষ করেন না—চিত্রকল্পের সাহায্যে একটি নির্বেদে পৌঁছতে চেষ্টা করেন। আমার বক্তব্যের সপক্ষে কবিতাংশ :

'আসবেই ভেঙ্গে সেই দ্বীপ ;
যৌপা ভেঙে চলে দাঁও চুল ;
বুক-পোড়া ধোঁয়ানো প্রদীপ
ফেলে দিই ; তিথি অক্ষুলা' (তিথিসম্পাত)

'ফিরে আসি তোমার আলোকে,
হই ধাতুমূর্তি-উপাসক।

তুমি এসো, আমাকে বাঁচাও।

এই অব্যবহিত পলকে

তোমাকেই জানি নিয়ামক ;

সব যাক ; তুমি ফিরে চাও !' (পৌত্তলিক)

লক্ষণীয়, তিনি শব্দব্যবহারে সাবধানী নন, কিন্তু একে অনবধানতা না-বলে অব্যবহিতচিত্ততা বলা উচিত—যা মাঝে-মাঝে অত্যন্ত পীড়াদায়ক বলে মনে হয়। 'তৃষ্ণা বা'র সঙ্গে 'আভা'র মিল, 'চৈত্রের রুমুমি', কিংবা 'যোনিমূলের' বিশেষণ হিসেবে 'মাইক-ফাটানো'—এই সবই কাব্যকবিতার বিস্ময়ে

সাক্ষ্য দেয়। 'হেবজ' 'ডেমিনি' প্রাকৃতিক তাত্ত্বিক শব্দ তাঁর কবিতাকে সাহায্য করেনি, চেষ্টাকে প্রাকট ক'রে তুলেছে। গল্পে লেখা যে-ছটি দীর্ঘ কবিতা ('শিতের আড়ল' ও 'পিছল হর') আছে 'নারী কসমে', তাতে ভালো লাগবার উপকরণ, নিঃসন্দেহে, ছড়িয়ে আছে, কিন্তু অস্থিধমে এই যে গছটি কখনোই নির্ভার ও স্বচ্ছন্দ হ'য়ে উঠতে পারে নি—সর্গদাঁই বন্ধবোর ভাবে হয়ে পড়েছে। তবু, 'ঘরনী' 'ছন্দয়ের প্রতি' প্রাকৃতিক কোনো-কোনো কবিতায় উপায় এবং উপকরণের ঈশিত সামঞ্জস্য ঘটেছে বলে এই লেখকের ভবিষ্যৎ বিঘ্নে আশাবিত হওয়া যায়।

হুনীল গঙ্গোপাধ্যায়ের কবিতার বইটি নানা দিক দিয়ে তৃপ্তিকর। নতুনভাবে লেখবার কোনো প্রচেষ্টা নেই তাঁর কবিতায়, অথচ তাতে নতুনত্বের স্বাদ মেলে। তার কারণ, আমার মনে হয়, পূর্বসূরীর শব্দের ধারণার তিনি সদ্যবহার করেন; নতুন কোনো শব্দচেননার জন্ম দেয় না তাঁর কবিতা, অথচ পুরোনো শব্দধারণাকে তিনি স্বদে না-খাটিয়ে ব্যবহার করেন না। তিনি সেজু বৈধে-বৈধে অঙ্গসর হ'তে জানেন, এবং তাঁর কবিতায় যে-গুণটি প্রথমেই চোখে পড়ে, তা হচ্ছে স্নেহম এবং শৃঙ্খলা। তাঁর কবিতার বিষয়বস্তু প্রেম, এবং প্রেমের নানাবিধ অহয়দ; এই প্রেম যৌবনের, সবল এবং সফল যৌবনের, কখনো বা চতুর নায়েক, যে-অংশে বিরহ ও বিচ্ছেদ, তাকেও পূর্ব নৈরাশ্রজনক বলে মনে হয় না। তাঁর কবিতা নায়িকানির্ভর। একটি উদাহরণ:—

'কিছু উপমার ফুল নিতে হবে নিরুপমা দেবী
যদিও নামের মধ্যে রেখেছেন আসল উপমা,
ক্ষণিক প্রশ্ন-তুষ্টি চায় আজ সামান্য এ কবি
রবীন্দ্রনাথেরও আপনি চপলতা করেছেন ফমা।'

('চতুরের স্তমিকা')

এবং নায়িকা অস্বহিত হয়েছেন যেখানে, যেমন 'উপলক্ষি' কিংবা 'ছই ছন্দ' কবিতায়, সেখানেই কবিতার ভাগ্য স্পষ্টত বিপর্যন্ত হয়েছে। 'বিসৃতি', 'মদ' প্রাকৃতিক কবিতায় পরীক্ষানির্ভর নতুনত্বের আভাস আছে—কিন্তু, হৃদয়-শব্দের

আমিকা ছাড়া, নতুন বিশেষে যেটা সবারে চোখে পড়ে, তা হচ্ছে এই কবিতা দুটির ভিত্তরকার গল্পটা। কবিতা দুটির উচ্চাকাঙ্ক্ষা, বস্তুত, ঐ গল্পাংশ দুটির উচ্চাকাঙ্ক্ষা। কিন্তু, আরেকটি কবিতা—যেখানে গল্পের একটা আভাস আছে, কিন্তু গল্পটা কবিতায় ব্যবহৃত হয়েছে মাত্র, এবং একটি নাটকীয়তায় নিয়ন্ত্রিত হ'য়ে আছে, যে-অংশটুকুকে কখনোই কবিতা থেকে ছেঁকে নিয়ে আলোচনা করা যাবে না—সেটি আমাদের অনেক বেশি ভালো লাগে। কবিতাটির নাম 'মিনতি'। এই কবিতাটিকে আমি সাম্প্রতিক বাংলা কবিতার একটি মূল্যবান সম্বোধন বলে মনে করি।

যাকে ছর্বল বা শিথিল পংক্তি বলা যায়, পূর্ণেন্দুকোশ ভট্টাচার্যের 'অঙ্গগতি'তে তা তিনটি কি চারটির বেশি নেই। [যেমন 'পুখা বাপুঞ্জীর বাণী জালো মণিরাপা'। ('পোড়ামাটি'), 'ব্যাকুলির ডাক পড়লেই যেতে হবে তাকে চট ক'রেই', ('যাকসেনী')]। জঁতরেখার স্বপ্নর ছবি ফোটাতে তিনি সিদ্ধহস্ত, বুদ্ধিদীপ্ত উপমার সংখ্যা তাঁর কবিতায় কম নয়, এবং 'অঙ্গগতি'তে একটিও অপর্যাপ্ত কবিতা নেই, তৎসম্বন্ধে, যে-বস্তুটির অভাববোধ তাঁর কবিতাপাঠে 'অমিকাংশ সময়েই থেকে যায়, তাকে স্বকীয়তা ছাড়া অজ কিছু বলা যায় না। 'মরীয়া স্ত্রী' 'রাতে ক্রফকলাপে' প্রাকৃতিক শব্দব্যবহারেই নয়, স্নেহকৃত বিয়ু দে-কে উৎসর্গ ক'রে তিনি যে দীর্ঘ কবিতা রচনা করেছেন, সেই 'স্বর্গমুখী' বিয়ু দে-র কাব্যভবিকে সদ্যদাই গ্রহণ করিয়ে দেয়। 'অকালবোধান' কবিতাটির। অত্মদিকে, 'কয়েকটি মুহূর্তের তিন নখরটির 'ছপশোকের ছায়াছবি সারা চেষ্টন। নীল আলোয় সংকেতিত। হ্রেনের ঢাকা। ক্রমাল গুড়ে'—এই ছবি অমিয় চক্রবর্তীর চিত্রবর্ণনারীতিকে নিশ্চয়ই গ্রহণ করিয়ে দেবে। এবং, অস্বস্ত 'আরো একটি ইচ্ছা' প'ড়ে মনে হয়, বৃন্দসেব বহুও তাঁর কবিতায় প্রত্যক্ষভাবে উপস্থিত।

অত্যা, পূর্ণেন্দুকোশের ধনমাঝা ছন্দের ব্যবহার ঈশ্বীয়; এবং 'সে যেন জালের মাছি, কান্তরায় : আসবো, বেরিয়ে আমি আসবো', ('অনৈয়ায়িক'), কিংবা—'নিবের প্রায় উপাটয় ফেল তাকে। দৃশিত প্রান্তের মতো।' ('একটি

কবিতা

চৈত্র ১৩৬৪

কবিতা

বর্ষ ২২, সংখ্যা ৩

ইচ্ছা) —এ-সব কবিতায় কথারীতির বিশিষ্ট ব্যবহার তিনি করেছেন। বিশেষত, 'কয়েকটি মুহূর্তের চারটি কবিতার মধ্যে একটি : 'গৌর সমিতির ডোম ফেলে যায় মরা সাপটাকে,' 'কয়েকটা কাক জুটে সেইখানে চালায় দরবার,' 'হঠাৎ শকুন এলে তাড়াবেই, তারি শলা ঝাঁটে, নিস্তেল কুপির মতো নিবে আসে শীতের ছপূর।' 'অন্তর্গতি'র কবির দেখবার চোখ আছে, অন্তর্লীন হ'য়েও তিনি আশে-পাশের ভূগোল ইতিহাস থেকে বস সংগ্রহ করতে পারেন, এবং সবচেয়ে বড়ো কথা, পড়বার পর মনে তাঁর কবিতার একটা রেশ থেকে যায়। এই অস্বরণের ক্ষমতা সমসাময়িক বাংলা কবিতায় আপাতত ছুঁঁতে বলা চলে।

প্রণবেন্দু দাশগুপ্ত

শ্রদ্ধি

মণিভূষণ ভট্টাচার্য

প্রদীপ জালিয়ে রাখে তুলসীতলায়
সমর্পিত সন্ধ্যার প্রণামে,
রোমাঞ্চিত অন্ধকার নক্ষত্রের প্রথম চুম্বনে ॥

স্বপ্নে শহরে নয়, প্রান্তর গ্রামের ভালোবাসা ;
ঘরে-ঘেরা পাখিদের কলকণ্ঠ নীড়ে
তন্দ্রালীন শিশির-পিপাসা ॥

প্রবকের অন্ধকার সারাংশার তারার আলোয়
বহুশ্রের কালো নদী ঝাঁকে,
রাত্রির গহন থেকে আরো-দূর তিমির গহনে
চেতনার স্তব্ধতার খাকে ॥

ভূমি থাকো তারই আশে-পাশে,
সন্ধ্যাপে, স্বপ্নে ও প্রেমে শোণিতের নীল সর্বনাশে ॥

তিনটি টি ওলেট

সলিলকুমার গঙ্গোপাধ্যায়

এক

তোমার হৃ-চোখে রাজি যে নিলো বাসা—
উদ্ধত মুচু সূর্যের পরাজয় !
অন্ধকারের অতল তরল ভাষা—
হৃ-চোখে তোমার রাজির ভালোবাসা ।
বুক দুধদুধ, থরোথরো কাঁপি ভয়ে—
তবু জাগে প্রাণে সর্বনাশের আশা ।
তোমার হৃ-চোখে রাজি নিয়েছে বাসা—
উদ্ধত মুচু সূর্যের পরাজয় ।

দুই

এখানে-ওখানে যেখানেই যাও—
সে আছে তোমার সঙ্গে-সঙ্গে ।
এলোমেলো হাওয়া, কল্পিত বাউ,
ঝাউয়ের কামা, যেখানেই যাও ।
শুনবে শোপিতে প্রতি তরঙ্গে
তার কথা, স্বর ।...হও না উধাও ;
কী করে এড়াবে, যেখানেই যাও—
সে আছে, থাকবে, সঙ্গে-সঙ্গে ।

তিন

তুমি যখন কাঁদো আমার ভালো লাগে ।
তাকিয়ে দেখি, হৃ-চোপ ভরে নিটোল মুক্তোফল !

সালসীতির

হৃখে শোকে রাগে কিংবা অহুরাগে
যখন তুমি কাঁদো আমার ভালো লাগে ।
মনে করো মেঘলা বেলা বৃষ্টিতে বিহ্বল
তখন যদি ঝিকঝিকিয়ে সূর্য জাগে—
তেমনি তোমার কামা আমার ভালো লাগে—
তাকিয়ে দেখি, কাজল-চোখে নিটোল মুক্তোফল ॥

সালসীতির
সালসীতির
সালসীতির

কবিতা
চৈত্র ১৩৬৪

রত্নবিলাস

সুভাষকুমার মিত্র

মিথুন-লগ্ন হ'তে রত্নবিলাসের আর কত দেহি,
হে হৃদয়ী ।
দিনরাত ভোমাকে ঘিরে
রৌদ্রছায়ায় লুকাচুরি খেলা ।
আকাশের দৃতী দেহনদীর হৃ-তীরে তার স্বর্ণ ছড়ায় ।

বিশ্বিত হ'তে অরণে ভূমি কতবার
আমার অহঙ্কৃতিগুলিকে কুড়িয়ে নিয়ে
মালা গাঁথো, পরো, আর ফেলে দাও ।

কবিতা
বর্ষ ২২, সংখ্যা ৩

শ্রেয় প্রকৃতি শিল্প

রমেশ্বরকুমার আচার্যচৌধুরী

হঠাৎ উঠলো জ্বলে স্নমকো-জ্বায় সেই আলো
বিদেশের ; যেতে-যেতে মনে হ'লো তার
গণিকা, হইন্দি, তবলা, চতুর ইয়ার
কিছু নয় : তার চেয়ে প্রার্থনীয়
সংসারের পেয়ালায় শান্ত স্বগন্ধবোধের অমিয়,
একটি নির্গল স্বচ্ছ শুভ্র স্বর ; অথচ সেদিন
গিঁদুর ঘোমটা শাখা, বৃকের সহজ উৎসারণ
শীতল লাগলো তার, নিজের বোয়ের কাছে বেশার রঙিন
কামকলা চায় যারা—সে-ও ছিলো তাদেরি একজন ।

হৃদয়ের উপস্থিতি অহভব করেনি কখনো
জন্মের অক্ষকারে । ময়দার ভেলার মতো নিতম্বমহনে
ছিলো তার একমাত্র স্বথ । হেসেই উড়িয়ে দিতো অঙ্গ কোনো
স্বগতীর অভিপ্রায় শারীরিক রাত্রির বয়নে
কত হৃদয়ীর চূলে খুঁজে-খুঁজে ঘূর্ণার জল
পেয়েছে যে এই অহশীলিত শরীর ;
স্বগন্ধি রুমাল, পুপ, মঙ্গপুত ফুল কিংবা ফল
কিছুই লাগে না তার (ভেবেছিলো) যার হাতে আঙনের তীর ;

কতদিন মদ গিলে ডুবে যেতো অতল গহ্বরে,
পরাজুত অধীশ্বর, শয়তান বাস করে যেখানে ভৌতিক
আরকের ঝিলিমিলি যঙে । হয়তো বা অলৌকিক
তখনো জ্বলেছে দীপ হলিহক অথবা টগরে ।

বিশিত চোখের সামনে খুলে গেলো অজ এক-লোক
 যেখানে পার্শ্বের মুখ সবুজ সৌরভে অনধর ;
 গাছ পাখি কুঁজো লোক সব-কিছু অমান হৃদয়,
 বিস্তৃত আনন্দ এক : যেন কোনো মুক্ত চিত্তকর
 সে-আনন্দ গানে উড়ে গেলো—হৃদয়ে পঞ্জিকার
 যৌন উপাখ্যানে কোনো চিহ্ন নেই যার।

কবর-খোঁড়ার গান

শামসুর রাহমান

মদের নেশা খাটি সারা জাহানে,
 বাকি যা থাকে তার বেথাক মুঠে ।
 বাখিনী যেন সেই মেয়েমাছর,
 যার জাঁধারে কাল কেটেছে রাত ।

যার জাঁধারে কাল কেটেছে রাত
 নেশার মতো তার খুঁজির জালা ।
 আলিঙ্গনে তার ছুঁয়াধারি
 নিমেষে তুলে যাই অতল মোহে ।

নিমেষে তুলি সাধ অতল মোহে ।
 মোহিনী ও-মুখের মিথ্যা বুলি
 সত্যসার ভাষি, এবং আমি
 ধারি না ধার কোনো মহোদয়ের ।

ধারি না ধার কোনো মহোদয়ের,
 আমরা তিনজন খুঁড়ছি গোর ।
 নিপুণ বিক্রমে অজহীন
 দূরের আসমানে জলে দিনার ।

দূরের আসমানে জলে দিনার ।
 কোদালে অবহেলে উপড়ে আমি
 মাটির ঢেলা আর মড়ার খুলি ।
 শরিফ কেউকেটা কী ক'রে তিনি ?

কবিতা

চৈত্র ১৩৬৪

শরিক কেউকেটা কী ক'রে চিনি ?

মাটির নিচে পচে অন্ধ গোরে

হয়তো হুন্দরী, কুরূপী কেউ।

কোরো না বেয়াদবি বান্দা ভূমি।

কোরো না বেয়াদবি বান্দা ভূমি।

বাদশা নেই কেউ, গোলাম সব,

বেগম চায় পেতে বাঁদির স্বপ্ন :

আউড়ে গেছে কতো সত্যপীর।

আউড়ে গেছে কতো সত্যপীর :

সমরকন্দ আর বোখারা তার

রূপসী মাণ্ডকের যোগ্য নয়।

সে-সব ছেঁদো কথা, মস্ত ফাঁকি।

সে-সব ছেঁদো কথা, মস্ত ফাঁকি।

বিবেক বিলকুল লক্ষীছাড়া,

মনের পঙ্কটাও চশমথোর।

আমরা তিনজন খুঁড়ছি গোর।

আমরা তিনজন খুঁড়ছি গোর।

হয়তো রুটি আর গোলাপ-কুড়ি

যুগভায় জলে চাওয়া-পাওয়ায়,

নেশার মতো খাটি নেই কিছুই।

নেশার মতো খাটি নেই কিছুই,

সাক্ষা শুধু এই দেহের দাবি।

মানতে নয় রাজি বেয়াদা মন

দাঁ ও ছনিহার ধাপ্লাবাজি ॥

কবিতা

বর্ষ ২২, সংখ্যা ৩

'ল্য ফ্লার ল্য মাল' থেকে

শাল বোদলেয়ার

তার চুল

কুন্তলরাশি, গ্রীবায খলিত কৌকড়া ফেনায়,

হে অলকদাম, আলতময় ত্রাণে মাতাল !

কী পুলক ! হবে সাক্ষ্য কোঠাতে আঁধার ঘনায়

কেশরগুচ্ছে ঘুমোনো স্বতির আসর জমায়,

তুলে নিয়ে নাড়ি হাওয়ায় তাদের, যেন রুমাল।

এশিয়ার লুথবিলাস, দীপ্তি আফ্রিকার,

হৃদয় জগৎ, অহুপস্থিত, লুপ্তপ্রায় !

গন্ধগহন সেই অরণ্যে প্রাণ আমার—

অন্তরে বণা ঠেলে নিয়ে চলে হুরবাহার—

তেমনি তোমার স্ববাসে, প্রেয়সী, ভেসে বেড়ায়।

যাবো আমি, যেথা মানব এবং তরুলতাও

আপন রসে ও রৌদ্রে বিবশ দীর্ঘ দিন,

প্রবল অলক, হও তেউ, যাতে আমিও উধাও !

হে আবলুশের সাগর, স্বপ্নে চোখ ধাঁধাও !

মাঙ্গুল, পাল, মাল্লা, আশুন যাতে বিলীন :

প্রতিধ্বনিত বন্দর, যেথা আমার প্রাণ

বর্গ, গন্ধ, শব্দের ঘন ঝাপটে মাতে ;

জলীয় কনকে ভঙ্গিমগতি সাগরঘান

বিশাল বাহর বিস্তারে এক বেপথুমান

শাখত-তাপ-বিন্দু আকাশে চায় জড়াতে।

অজ্ঞাট যাতে বন্দী, সে-কালো সাগরজলে
 ডুবে থাক মাথা, নেশার লালস যাকে মাতায় :
 আমার হৃদয় সত্তা, চেউয়ের আদরে গলে
 অনন্ত অবসরের সিন্ধু দোলায় ছলে
 ক্ষেত্র খুঁজে পাক অস্তঃসবা অলসতায় ।

নীল চুল, যেন আঁধারের বিস্তীর্ণ চাতাল,
 গগনগোলকে করে দাও তুমি আরো গভীর ;
 ছুয়ে-ছুয়ে ঐ কোঁকড়া কোমল পদ্মজাল
 আমি, অস্থির, মিশ্র স্ববাসে হই মাতাল
 নারিকেল-তেল, আলকাংরা ও কুন্তরীর !

দীর্ঘগ্রহর ! চিরকাল ! ঐ কেশে আমার
 অঙ্কলি দেবে ছড়িয়ে মুক্তা, পান্না, হীরা—
 আমার রক্তির মন্ত্রে বধির র'বে না আর,
 স্বপ্নমুখর' হৈ মরুস্কানন, হে ভূপার,
 মহাগণ্ডে পান করি যাতে স্বস্তির সুরা !

তবু অভূষ্টা

শ্রামাদী, নিশার মতো, ওগো দেবী অভূতের দূতী,
 ডাকিনী, আবলুশগাত্রী, তুমি মধ্যরাত্রি সন্তান,
 অদে মেশে মৃগনাভি আর দূর হাভানার জাণ—
 আক্রিকার কোন ওবি, সাভানার ফন্টাসের কৃতি !
 আফিম, মদের নেশা কেলে দিয়ে—আমার আকৃতি
 মানে তোর কামলিপ্ত গুণীধরে অমৃতসমান ;
 নয়নের রূপে তোর নির্বেদের তুফা অবসান,
 ধায় যবে তোর দিকে কারাভায় সারিবদ্ধ রতি ।

আম্মার চুল্লির মতো, ঐ লোল, কালো চক্ষু থেকে
 অগ্নি হেনে, বে পিশাচী, কত আর পোড়ানি আমাকে !
 আমি সেই টিঙ্গ নই, যা তোকে জুড়াবে নয় বার,

আর, হায়, মেগীরা-লম্পট আমি, কিছুতে পারি না
 দর্প তোর চূর্ণ ক'রে, ফিরে পেতে নিজ অধিকার,
 যেহেতু নরক তোর শয্যা, আর আমি প্রসার্গিনা ।

আত্ম-প্রতিহিংসা

মারবো আমি তোকে, যেন কশাই,
 ঘৃণার লেশ নেই, শূন্য মন,
 কিংবা শিলাতটে মুসা যেমন !
 তাহ'লে আঁখি তোর যদি খসায়

আমার সাহায্যর সান্ধনাতো
 জুখধারা এক উজ্জ্বলিত ;—
 আমার অভিলাষ, আশায় ফীত
 সে-লোনো জলে পারে ভাসতে যাতে

নোঙর-তুলে-নোয়া তব্রী যেমন ।
 মাতাল এ-স্বপ্নয়ে কান্না তোর
 শব্দ তুলে ক'রে দিক বিভোর,
 চাকের নাদে যেন আক্রমণ !

নই কি আমি এই দিবা গানে
 স্বরের অবশ্যে এক বেস্বর,
 যেহেতু ব্যাধের মৃতি চতুর
 আমার সত্তার নিত্য হানে ?

আমারই কণ্ঠ সে—কী জ্ঞান !
আমারই কালো বিধ রক্তে মাতে !
আমি সে-উৎকট মুকুর, যাতে
আপন মুখ দ্যাখে সে-দঙ্কাল !

আমিই চাকা, দেহ আমারই দলি !
আঘাত আমি, আর ছুরিকা লাল !
চপেটাঘাত, আর খিন্ন গাল !
আমিই জ্ঞান, আমিই বলি ।

ছমছাড়া আমি শূন্যবাসী
আপন হৃদয়ের রক্ত গিলে,
কখনো শ্রীত হ'তে শিখিনি বলে
আমার আছে শুধু অটহাসি ।

এখনো ছুলিনি তাকে

এখনো ছুলিনি তাকে—নগরের পী ঘেঁষে, নির্জন,
আমাদের শাদা বাড়ি, ছোট্টো, কিন্তু শান্ত সারাক্ষণ ।
পমোনো, পাথরে গড়া, আর এক স্থবির ভেনাস
বিরল রোপের পিছে ঢাকে নগ্ন অঙ্গের আভাস ।
আর সূর্য, সন্ধ্যাবেলা, প্রপাতের মতো বাতায়নে
অবিরল চূর্ণ হ'য়ে প্রজ্জলিত রশ্মির বর্ণণে,
অদ্ভুত আকাশ থেকে, ফারননেজে, চেয়ে দ্যাখে যেন
আমাদের সান্ধ্যভোজ, দীর্ঘায়িত, শব্দ নেই কোনো ।
সেই দীপ্তি, মোমের আলোয় মিশে করছে উজ্জল
বনাতের ছেঁড়া পর্দা, আমাদের স্বপ্ন অন্নজল ।

মহাপ্রাণ সেই দাসী

মহাপ্রাণ সেই দাসী, তুমি থাকে ঈর্ষা করেছিলে,
মগ্ন হ'লো যুগে আজ তুচ্ছ তৃপনপল্লবের তলে ।
তবু চলে, কিছু ফুল দিয়ে আসি তাকে একদিন,
আহা, মৃত, মৃত ওরা, কী বিরাট সম্ভাষে বিলীন !
যবে রিক্ত তরুদল নিখসিত রান অক্টোবরে,
মর্মরফলক ঘিরে খেদময় বায়ু যুগের মরে,
তখন যুগোমাই যারা বেঁচে থেকে, উষ্ণতায় লীন,
কী কঠিন ভাবে ওরা আমাদের, কী হৃদয়হীন !
এদিকে বিকট কালো স্বপ্নেরা ওদের ছিঁড়ে খায়,
সদালাপ, শয্যাসদী, কিছু নেই ; হিমেল হাওয়ায়
জমে-যাওয়া বৃড়া হাড়, পরিশ্রমী রুমির সত্তার,
চৈর পায় শীতের ভূয়ার গ'লে ঝ'রে পড়ে, আর
খ'সে পড়ে শতাব্দী, তবুও কোনো বন্ধু বা স্বজন
হেঁড়া ফুল ফেলে দিয়ে সে-মগুপে রাখে না নৃতন ।

ধরো, কোনো সন্ধ্যায় যখন কাঠ অগ্নিকুণ্ডে ফোঁশে,
যদি তাকে দেখি, শাস্ত, অস্পষ্ট চেয়ারে আছে ব'সে ;
যদি ভিসেসঘরে, কোনো হিমস্রব নীল যামিনীতে
দেখি, সে ঝুঁকড়ে আছে এক কোণে, ঘরের নিভৃত্তে ;
যদি উঠে আসে, মোন, চিরস্তন শয্যাতল ফেলে,
তার বৃড়া ছেলেকে আশ্রয় দিতে মাতৃচক্ষু মেলে—
তা'হলে, স্থলিত অশ্রু দেখে তার পল্লবের তলে,
সেই পূণ্য আত্মাকে উত্তর দেবো কোন কথা বলে ?

ডুয়েল

ছুটে এলো যুগপৎ দুই যোদ্ধা; অস্ত্রের সাহায্যে
ছাত্রি আর শোণিত ছিটিয়ে দেয় আহত বাতালে।
এই খেলা, লৌহনাদ যৌবনের—যখন হঠাৎ
উচ্চতানে ধরা পড়ে প্রণয়ের চীৎকৃত উজ্জ্বলে।

গেছে ভেঙে তলোয়ার!—আমাদেরই যৌবনের মতো,
প্রিয়তমা! কিন্তু আজ দাঁত আর নগের উৎসাহ
রূপাণের বন্ধনার প্রতিশোধে সবগণে উজ্জ্বল।
—হা রে বৃদ্ধ ক্রমের ব্রণদ্বয় প্রণয়ের দাহ!

জাখো বীরদ্বয়ে, তারা বন্ধ হয়ে ক্রুর আলিঙ্গনে
গড়ায় গরুরে, যেথা চিত্ত আর নেকড়ে মেয় হানি,
তাদের বিদীর্ণ স্বক ফুল ফোটে শুকনো কাঁটাবনে।

—এই তো নরক, বহু বন্ধুদের নির্ধিষ্ট ঠিকানা।
আয় রে অমাত্মিক আমাজনী, গড়াই দু-জনে
মনস্তাপ ছুঁড়ে ফেলে, আলাময় ঘণার বন্ধনে।

শব্দ

আমার বৌবন ছিলো শুধু এক আধার জুফান,
তির্যক সূর্যেরা যাকে কদাচিত্ত করেছে উজ্জ্বল;
বজ্র আর বুড়িতে বিদ্রব হ'য়ে, আমার বাগান
ফলিয়েছে কেবল একটি-ছটি রক্তরক্তা ফল।

এদিকে, মনের প্রাঙ্কে, হেমন্ত যে আগত এখনই,
শাবল, কোদাল নিয়ে ব্যস্ত হ'তে হবে এইবার—

তবে যদি রক্ষা পায় ধারাজলে ভেঙে-যাওয়া জমি,
ফাটা কবরের মতো ধান্যপল্ল খুলে আছে যার।

যে-মুক্তন ফুলদলে স্বপ্নে আমি নিরন্তর দেখি,
তারা, এই প্রাণিত তটের মতো ভূমিতলে, কখনো পাবে কি
অদৌকিক সেই পথ, যা তাদের শক্তির সঞ্চয়?

—আক্ষেপ, আক্ষেপ শুধু! সময়ের বাস্তব এ-জীবন,
যে-শুভ্র শক্তির দাঁতে আমাদের জীবনের ক্ষয়
বাড়ায় বিকম তার আমাদেরই রক্তের তর্পণ।

আবেশ

তোর কাছে ভীত আমি, মহাবন, যেন কাণ্ডিজাল;
অর্গ্যানগর্জন তোঁর; আমাদের শাসক ক্রয়—
শোকের প্রকেঠ; সেখা নাভিখাস নিস্তা দেয় ভাল—
তোঁর 'অক্ষর' থেকে বননের প্রতিক্ষনিময়।

তোকে স্থাণ করি, সিদ্ধু! যত তোঁর লক্ষ, টাচামেচি,
খুঁজে পাই আমার আঁখার তলে। যে-তিলক উল্লাস
অপমানে জন্মনে নিবিড় হ'য়ে বলে, 'হেরে গেছি'—
সে-বিরটি অট্টহাসি কিরে দেয় তোঁর জলোচ্ছ্বাস।

কত হুশী হবো আমি, যদি চেনা ভাষায় প্রকট
নক্ষত্রকিরণে, রাজি, লুপ্ত ক'রে দিস একেবারে!
কেননা আমি যে খুঁজি কালো আর নয় শূন্যতারে!

কিন্তু যোর অক্ষকর—সে নিজেই হ'য়ে তট্টে পট
যেখানে আমার চক্ষু জন্ম দেয় বিশুল সংখ্যায়
সে-সব অজীভে, যারা চেনা চোখে এখনো তাকায়।

অঙ্কুরা

ভেবে ছাখো, ফলয়, নিশার স্বপ্ন যাদের চালক !
অনন্ত, অস্পষ্ট ওরা, হাস্তকর, আতঙ্কে অতুল ;
কিংবা যেন দোকানের জানালায় সাজানো পুতুল ;
কে জানে কোথায় হানে নিরালোক চক্ষুর গোলক ।

ঐ সব চোখ, আর ঐধরিক ফুলকি নেই যাতে,
তবু করে, আকাশে উখিত হয়ে, দূরের সাধনা,
একলক্ষ্য, অর্থহীন ; গুরুভার মাথার ভাবনা
কখনো, স্বপ্নের তলে ডুবে গিয়ে, নামে না ফুটপাতে ।

চিরন্তন স্তরতার সহোদর, অনন্ত শর্বরী
পার হ'য়ে বীরে-বীরে চলে তারা । হে মহানগরী !
তুমি যবে নেচে, কুদে, চারদিকে তুলে উল্লতান

হ'য়ে ওঠো প্রমোদের যরণার প্রেমিক প্রহরী—
আমিও প্রগাঢ়তর মূঢ়তায় পথে-পথে ঘুরি,
আর ভাবি : আমরা অঙ্কুরা ঐ নভতলে কী করি সন্ধান ?

বান্ধী বেদেরা

কাঁধে সস্ততি, দৃষ্টিতে ছর্মদ,
দল বেঁধে কাল বেরিয়েছে দৈবজ্ঞ,
ঝুলিয়ে, শিশুর হিংস্র ক্ষুধার ভোগ্য
স্তনবিক্ষারে অফুরান সম্পদ ।

যানে পরিজন গচ্ছিত ; পুরুষেরা
হাটে পাশে-পাশে, অস্ত্রঝলকে দীপ্ত,

আর্ড নয়নে যোঁজে নভতলে লিঙ্গ
অহুপস্থিত অলৌকিকের ডেরা ।

পতঙ্গ, তার রুক্ষ বিবর থেকে,
চৌদুনে তান নাগায় ওদের দেখে ;
এবং সিবেলী যেহেতু প্রণয়াল্ল,

ঘাস হয় আরো সবুজ, ফুলে ও শ্রোতে
ফোটে মল্ল, শিলা ; ঝাঁবার ভবিষ্যতে
পথিকের চেনা মহাদেশ উন্মুক্ত ।

এক পথচারিণীকে

গর্জনে বধির ক'রে রাজপথে বেগ ওঠে তুলে ।
কুশতস্থ, দীর্ঘকায়, ঘন কালো বসনে সংবৃত,
চলে নারী, শোকের সন্দেহে এক সত্ৰাজীর মতো,
মহিমামন্ডর হাতে ঘাঘরার প্রান্তটুকু তুলে—

সাবলীল, শোভমান, ভাঙ্করিত কপোল, চিবুক ।
আর আমি—আমি তার চক্ষু থেকে, যেখানে পিদল
আকাশে ঝড়ের বীজ বেড়ে ওঠে, পান করি, কম্পিতবিহ্বল
মোহময় কোমলতা, আর এক মর্মখাতী স্তম্ভ ।

রশ্মি জলে...রাজি ফের !—মায়াবিনী, কোথায় লুকোলে ;
আমাকে নতুন জন্ম দিলো যার দৃষ্টির প্রতিভা—
আর কি হবে না দেখা ত্রিকালের সমাপ্তি না-হ'লে ?

অন্ত কোথা, বহু দূরে ! অনন্তব ! নেই আর সময় বৃষ্টি বা !
পরম্পর-অজ্ঞতায় স'রে যাই—আমারই যদিও
কথা ছিলো তোমাকে ভালোবাসার, জানো না তুমিও ।

অন্ধেরা

ভেবে ছাখো, হৃদয়, নিশার অশ্রু যাদের চালক !
অনন্ত, অস্পষ্ট ওরা, হাত্তকর, আতকে অতুল ;
কিংবা যেন দোকানের জানালায় সাজানো পুতুল ;
কে জানে কোথায় হানে নিরালোক চক্ষুর গোলক ।

ঐ সব চোখ, আর ঐখরিক ফুলকি নেই যাতে,
তবু করে, আকাশে উষিত হ'য়ে, দূরের সাধনা,
একলক্ষ্য, অর্থহীন ; গুরুভার মাথার ভাবনা
কখনো, স্বপ্নের তলে ডুবে গিয়ে, নামে না ফুটপাতে ।

চিরন্তন স্তম্ভতার সহোদর, অনন্ত শব্দী
পার হ'য়ে ধীরে-ধীরে চলে তারা । হে মহানগরী !
তুমি ঘবে নেচে, কুদে, চারদিকে তুলে উজুতান

হ'য়ে ওঠো প্রমোদের যন্ত্রণার প্রেমিক প্রহরী—
আমিও প্রগাঢ়তর মৃত্যুয় পথে-পথে ঘুরি,
আর ভাবি : আমরা অন্ধেরা ঐ নভতলে কী করি সন্ধান ?

যাত্রী বেদেরা

কাঁধে সন্ততি, দৃষ্টিতে দুর্বাদ,
দল বেঁধে কাল বেরিয়েছে দৈবজ্ঞ,
ঝুলিয়ে, শিশুর হিংস্র ক্ষুধার ভোগ্য
স্তনবিফারে অফুরান সম্পদ ।

যানে পরিজন গচ্ছিত ; পুরুষেরা
হাঁটে পাশে-পাশে, অস্ত্রঝলক দ্বীপ,

আর্ত নয়নে খোঁজে নভতলে লিপ্ত
অহুপস্থিত আলোকিকের ডেরা ।

পতঙ্গ, তার রক্ষ বিবর থেকে,
চৌমুদে তান সাগায় ওদের থেকে ;
এবং সিবেনী যেহেতু প্রশয়াসক্ত,

ঘাস হয় আরো সবুজ, ফুলে ও শ্রোতে
কোটে মক, শিলা ; আঁধার ভবিষ্যতে
পথিকের চেনা মহাদেশ উন্মুক্ত ।

এক পথচারিণীকে

গর্জনে বধির ক'রে রাজপথে বেগ ওঠে তুলে ।
ক্লান্ততর, দীর্ঘকায়, ঘন কালো বসনে সংবৃত,
চলে নারী, শোকের সম্পদে এক সত্ৰাজীর মতো,
মহিমামন্ত্র হাতে বাঘরার প্রান্তটুকু তুলে—

সাবলীল, শোভমান, ভাস্করিত কপোল, চিবুক ।
আর আমি—আমি তার চক্ষু থেকে, যেখানে পিঙ্গল
আকাশে ঝড়ের বীজ বেড়ে ওঠে, পান করি, কস্পিতবিহ্বল
মোহময় কোমলতা, আর এক মর্দঘাতী স্রুথ ।

রশ্মি জলে...রাজি ফের !—মায়াবিনী, কোথায় লুকোলে !
আমাকে নতুন জন্ম দিলো যার দৃষ্টির প্রতিভা—
আর কি হবে না দেখা ত্রিকালের সমাপ্তি না-হ'লে ?

অন্ত কোথা, বহু দূরে ! অসম্ভব ! নেই আর সময় বৃষ্টি বা !
পরম্পর-অজ্ঞতায় স'রে যাই—আমারই যদিও
কথা ছিলো তোমাকে ভালোবাসার, জানো না তুমিও !

নরকে ডন জুয়ান

যেদিন ডন জুয়ান, শারনেরে বড়ি গুনে দিতে
নেমে এলো পাতালসলিলে, এক গছীর ভিক্কক
আন্তিস্থিনীসের মতো দৃপ্ত চোখে, বলিষ্ঠ বাহুতে
দাঁড়ের কতৃৎ নিয়ে হ'লো প্রতীহিংসায় উৎস্কক।

ঘোর কালো আকাশে কাংরে ওঠে মেয়েরা উত্তাল,
ছিন্নভিন্ন গাত্রবাস, উন্মোচিত স্তনগুলি ঝোলা;
বিরাট মিছিলে চলে যুগকান্তে বধা পশুপাল,
দীর্ঘায়িত কন্দন পশ্চাতে টানে, ফুরোয় না পালী।

সিনারেল্ল, দৈতো হেসে, খেসারৎ চায় ফিরে পেতে;
এদিকে ডন লুইস—মৃত যারা ঘোরে এলোমেলো,
তাদের দেখিয়ে দেন, অঙ্গুলির কম্পিত সংকেতে,
যে-পাপিষ্ঠ পুত্র তাঁর শুভ্র কেশে বাদ করেছিলো।

একদা প্রেমিক, আর তার পরে প্রতারক পতি
য়ে ছিলো, গা ঘেঁষে তার সাধী, রোগা এলভিরা ঘনায়,
যেন ফের দাবি করে, যে-পরম হাসির আরতি
মঙ্গলপূত প্রভাতেরে মেখেছিলো কোঁমল সোনায়।

বর্ধদারী, স্বল্প এক শিলাময় বিরাট পুরুষ
হাল চেপে ধ'রে চলে কালো জল ছুই দিকে চিরে;
কিন্তু বীর, অসিতে হেলান দিয়ে, নিস্তক, বেষ্টশ,
বিদীর্ণ জলের রেখা আছে শুধু, তাকায় না ফিরে।

আত্মস্মৃতি

হে আমার ছুঃখ, তুমি প্রাজ্ঞ হও, হৈর্ধর্ষ নাও শিখে।
চেয়েছিলে সন্ধ্যারে; আসন্ন সে যে, এই তো আগত:
যুগল মণ্ডল এক নগরীকে ক্রমে দেয় ঢেকে,
শান্ত কারো মন, আর অজ কেউ দৃষ্টিস্তায় নত।

এখনই ছুটুক ওরা—ক্ষমাহীন জ্ঞান, প্রমোদ,
চালায়, চাবুক মেরে, যে-কুৎসিত, স্নিগ্ধ জনগণে,
হৃতির গোলামি ক'রে অল্পতাপে তার পরিশোধ
দিক তারা;—দুঃখ, এলো, হাত রাখো হাতে। চলো ছুইজনে

যাই বহুসূরে। চেয়ে জাখো, আকাশের বারান্দায়
নিঃশেষ বৎসর সব রু'কে আছে প্রাচীন সজ্জায়;
দন্তময় মনস্তাপ জল থেকে বীরে তোলে মাথা;

এদিকে মূর্খ স্বর্ধ শয্যা নেয় মেঘের তোরণে;
আর, যেন পূর্বাংশে দীর্ঘায়িত শববত্র পাতা,
সেইমতো, শোনো প্রিয়, রাজি নামে মধুর চরণে।

মধ্যরাত্রির পরীক্ষা

মধ্যরাত্রি প্রতিধ্বনিত লীন :—

ঘড়ির ঘণ্টা, কুটিল বায়ুভরে
শুধায়, বলো তো, কাটালে কেমন ক'রে
এ-ক্ষণে হ'লো নিঃশেষ যেই দিন?

—আজ, হায় আজ, নিয়তিবিধুর তিথি,
দ্রয়োদশ দিন, অশুভ শুক্রবার,
নিখল ক'রে সর্বজ্ঞানের ভার
জ্ঞাত শুধু পাঁচারণের স্থতি।

যীত, ভগবান, সব সংস্রাতীত,
 তাঁর বিরুদ্ধে রটিয়েছি বিদ্রোহ !
 ভোজনশালায় হয়েছি গলগ্রহ
 বিকট ধনীরা প্রাচুর্যে পরিবৃত্ত ।
 আমরা, যোগা অস্বদসেবকগোষ্ঠী—
 যাকে ভালোবাসি তাকেই অসমান,
 যা-কিছু যুগ তাকেই অর্থাদান
 করেছি, জাগাতে জন্তুর সঙ্কট ;

ঘাতকের মতো—কাপুক্ষ, চাটুকার—
 দুঃখী দীনের হয়েছি অত্যাচারী ;
 বিরাট, কঠিন, যগুমুণ্ডারী
 নিবুন্ধিরে করেছি নমস্কার ;
 জড়পদার্থে চূষন ক'রে ধজ
 মহানিষ্ঠায় আমরা নির্বিকার
 পচা, গলা, পুঞ্জিত জঘন্সতার
 পাংশুল বিকিরণেই মেনেছি পুণ্য ।

অবশেষে, যাতে প্রলাপে আত্মহারা,
 ডুবে যায় এই ঘূর্ণিত সংবিৎ,
 আমরা, বীণার গরীয়ান পুরোহিত,
 মাতাল মরণে রক্তে সাজায় যারা—
 কুংপিপাসার উৎসাহ ব্যতিরেকে
 আমরা করেছি উৎকট পানাহার !...
 —নিবে যাক বাতি, অতল অন্ধকার
 আমাদের সব লজ্জাকে দিক ঢেকে !

অহুবাদ : বুদ্ধদেব বহু

গট্ফ্রীড বেন-এর কবিতা

আলাল্কা

শতশ্রান্তরের উপান্তে দাড়িয়ে সে বলেছিলো :
 বাসফুলের আহুগতা আর বায়বীয়তা
 রতিন মহিলাদের কাছে চমৎকার এক নকশার মতো ।
 আমি কিন্তু বেছে নেবো আফিমফুলের গভীর গানের গলা,
 তা জ'মে-যাওয়া রক্ত আর রক্তশ্রাবের কথা মনে পড়িয়ে দেয়,
 মনে পড়ায় চাপ, শাসকষ্ট, ক্ষুধা আর পটল তোলার কথা—
 অর্থাৎ, পুরুষের ধূল পথটাকে ।

বৃত্ত

একটি গনিকা তার অনল্ল দাঁত

—সে মারা গিয়েছিলো আত্মপরিচয় গোপন রেখে—

বাঁধিয়েছিলো সোনা দিয়ে ।

(অল্লগুলি আচমকা পালিয়েছিলো

যেন এক নিঃশব্দ চুক্তি ক'রে ।)

সেই দাঁতের সোনা ছিনিয়ে নিলে শবমণ্ডকের স্রাণ্ডাৎ,

আর বঁদ্ধক রেখে নাচবরে গেলে ক্ষুঁতি করতে,

কারণ, তার মত অহুযায়ী :

'অধু মাটিরই ফিরে যাওয়া উচিত মাটিতে ।'

উত্তরসাগরের তীরে

আস্মার বিঘাদ—
একটি গৃহ, একটি কণ্ঠের গান,
একটি গৃহ, নিম্বলক,
যেখানে ইংরেজি মুদ্রার বনংকার,
ভাগ্যবানদের একটি গৃহ,
সামাজিক স্বাক্ষরো উজ্জল,
রূপোলি আর গোলাপি চারটি দেয়াল
উত্তরসাগরের তীরে ।

সে-মেয়ে গাইছে গান :—আর উচ্চবর্ণের লোকেরা —
ভাইকিং আর ইংরেজ পুরুষ,
লোভী শ্বেতজাতির বংশধর—
রুদ্ধশাস হ'য়ে শোনে ।
ঠিক তেমনি উৎকর্ণ তাদের সপ্রতিভ নারীগণ
পশুচর্মে আর জড়োয়া গমনায় যারা আবৃত,
আর সারি-সারি মুক্তোয়
যা ডুবুরিরা বাহ নীন দীপপুঞ্জের চারপাশ থেকে তুলেছে ।

বাজে কণ্ঠ—নিম্বলক,
বিদেশী শব্দ ভ'রে তোলে ঘর
'শান্তিতে বিশ্রাম করে, আস্মা,
'অবশেষে এলো তোমার শাস্তি'—
এলো ! আর সকলে উৎকর্ণ হ'য়ে পান করে
সুবার্টের স্তোত্র
আর কেপ'টাইন থেকে সাংহাই পর্যন্ত
হাঙর-পৃথিবী ডুবে যায় দৃষ্টি থেকে ।

চোরাই, পোড়া, ছাল-ছাড়ানো,
কুঠুরিতে, বাশের তাঁবুতে,
আফিম, নিগ্রোদের ঘা, সেক্ট্ আর ডলার—
এ-সবের মধ্য দিয়ে উপাঞ্জিত চাবুক,
মহীয়ান নর্ভিক জাতি,
প্রতীচীর একশিলা
সারা ঘরে স্তর হ'য়ে গেলো :
লুপ্ত হ'লো শক্তির পুরাণ ।

দূরে, রূপো আর গোলাপের মধ্য থেকে,
গান গায় এই গৃহ, এই কণ্ঠ,
যে-গানের কোনো সীমান্ত নেই,
এক ভিন্ন জাতি বা ঋণ দিয়েছে,
যা শক্তিকে এক প্রবলতর প্রভাবের
বন্দী ক'রে নেয় :
মাছুষ চিরন্তন, আর সে অর্চনা করছে
স্বদূর দেবতাদের ।

ব্রিটিশ দেয়াল, কিনিশ দেয়াল—
বাড়িঘর—কণ্ঠ গেয়ে চলে গান—
সীমানাহীন জর্মানি
যতক্ষণ জর্মানি গান প্রবহমান ;
শুধু এমনি সব ধ্বনি থেকে আসে
তার পীড়িত সন্তানদের জগ
শ্বেত জাতির নিশ্চল নিবেদ
আস্মার বিঘাদ থেকে
নিষ্কৃতি ।

একটি শব্দ, একটি বাক্যবদ্ধ

একটি শব্দ, একটি বাক্যবদ্ধ :—শূত্রের মধ্য থেকে উঠে আসে
অহুত জীবন, আকস্মিক চেতনা,
হৃদয় নিশ্চল, স্তব্ধ সকল বৃত্ত,
কেবল সব-কিছু এগিয়ে আসছে একটি শব্দের কেন্দ্রে।

একটি শব্দ—আলোর এক বলকানি, পাখা-মেলা এক উৎকান্তি, এক আশ্রয়,
আশ্রয়ের এক ঘোরানো শিখা, ছিটকে-বেরিয়ে-আসা একটি নক্ষত্র,—
এবং অন্ধকার আবার, বিশাল আর দানবিক,
পৃথিবীর আর আমার চারপাশের শূত্র প্রান্তরে।

ত্যাগে, নক্ষত্রবৃন্দ

ত্যাগে, নক্ষত্রবৃন্দ, আলোর তীক্ষ্ণ বিঘাত বাকানো
দাঁত, আর আকাশ আর সমুদ্র,
এই সব গীতময় রাখালিরা উচ্চারণ,
ধূসর, অস্পষ্ট; তারা বাঁপিয়ে পড়ে তাদের সামনে,
ভূমিও তেমনি, যে-ভূমি আহ্বান করেছে। একরাশ কর্তৃস্বরকে,
এবং বার ভাবনাগুলি মেখে নিয়েছে তোমার বৃত্তকে,
অহুসরণ করে। রাত্রির সেই ডাকহরকরাকে
নিশেষ পায়ে-পায়ে।

পুরাণ, নানা কিংবদন্তী এবং শব্দমণ্ডিকে
বধন ভূমি শূত্র করে ফেললে,
তোমাকে যেতেই হবে তাহলে,
দেবতাদের অচ্ছ কোনো সেনাবাহিনী
আর ভূমি দেখতে পাবে না,

দেখতে পাবে না ইউক্রাতিসের উপর তাদের মসনদ,
তাদের রচনাপুঞ্জ এবং দেয়ালও না—
ঢালো, মিরমিদন, ঢালো,
ঢালো অন্ধকার স্বরা ভূমিতলের উপর।
হয়তো সময় আসতে, এসে হয়তো ডাক দিতে পারতো;
জন্ম নেবার কি হ'য়ে-ওঠার ঘরণা আর কায়া
সব-কিছু কুহুমিত হবে
এই রাত্রিময় স্বরার প্রবহমানতায়,
দীর্ঘ দীর্ঘ কাল—হয়তো যুগ—স্বরনার মতো ব'য়ে যাবে স্তব্ধ,
হয়তো কিছুই থাকবে না তীরভূমির :
সেই ডাকহরকরাকে ফিরিয়ে দাও মুকুট,
ফিরিয়ে দাও, ফিরিয়ে দাও তোমার স্বপ্ন, এবং তোমার দেবতাদের।

অহুবাদ : মানবেন্দ্র বন্দ্যোপাধ্যায়

সংশোধন

'কবিতা'র বর্তমান সংখ্যার ১৭১ পৃষ্ঠায় মুদ্রিত 'দায়' কবিতাটির নবম
পংক্তির প্রকৃত পাঠ এই—

'না হ'লে, লাফানো যেত আকাশ কি পাখর জড়িয়ে'

গত পৌষ সংখ্যার ২২ পৃষ্ঠার প্রথম পংক্তিতে 'পূণ্য ঘরে' ভ্রমক্রমে 'শূত্র ঘরে'
ছাপা হয়েছে; ও ষাটশ পংক্তিতে 'মার্কিনদেশ' শব্দটি যে আসলে 'মার্কিনদেশ'
তা আশা করি পাঠকরা অহুমান করতে পেরেছিলেন।

লেখকদের অবসরে

* 'কবিতা'য় প্রথম প্রকাশ

জীবনানন্দ দাশ-এর একটি নূতন কাব্যগ্রন্থ 'রূপসী বাংলা' নাম দিয়ে কিছুদিন আগে প্রকাশ করেছেন সিগনেট প্রেস। জ্যোতিষ্ময় দত্ত আধুনিক কবিতা বিষয়ে একটি পুস্তক রচনার পরিকল্পনা করেছেন। গোবিন্দ মুখোপাধ্যায় সাংরাগাছিতে থাকেন, কর্ম করেন রেলওয়ে আপিশে, নানা পত্রিকায় তাঁর রচনা প্রকাশিত হয়ে থাকে। *ভার্যাপদ রায় 'পূর্বমেঘ' পত্রিকার সম্পাদক, তাঁর আদিনিবাস পূর্ববঙ্গে, ঢাকায় বাংলা ভাষা-সংক্রান্ত আন্দোলনের সঙ্গে জড়িত ছিলেন। দেবতোষ বসু কলকাতা বিশ্ববিদ্যালয়ে ধনবিজ্ঞান অধ্যয়ন করছেন। *নবনীতা দেব যাদবপুর বিশ্ববিদ্যালয়ে তুলনামূলক সাহিত্যে এম. এ. পরীক্ষার জ্ঞাতৈরি হচ্ছেন। পুণেন্দুবিকাশ ভট্টাচার্য বনহুগলির ব্রহ্মানন্দ কেশবচন্দ্র সেন কলেজে ইংরেজির অধ্যাপনা করেন। বুদ্ধদেব বসু-র নতুন কাব্যগ্রন্থ 'মে-আধার আলোর অধিক' এম. সি. সরকার কর্তৃক প্রকাশিত হ'লে। মানবেন্দ্র বন্দ্যোপাধ্যায়-এর সম্পাদনায় বাংলা আজগবি গল্পের একটি সংকলন প্রকাশিত হচ্ছে। শক্তি চট্টোপাধ্যায় তাঁর প্রথম কবিতার বইয়ের পাণ্ডুলিপি প্রস্তুত করছেন। *সন্দীপ সরকার জন্মেছিলেন এক খুঁটান পরিবারে, পড়াশুনো করেছেন রাঁচিতে, বর্তমানে কৃষ্ণনগরে বাবসা করেন। *সুভাষকুমার মিত্র ঋষ্টি চার্চ কলেজের প্রথম বার্ষিক শ্রেণীর ছাত্র।

কবিতাভবন, ২০২ রাসবিহারী এর্ভানিউ, কলকাতা ২৯ থেকে প্রকাশিত ও ১৪১ সুরেন্দ্রনাথ ঝানার্জি রোড, কলকাতা-১০ মেম্বোপার্লটান প্রিণ্টং অ্যান্ড পাবলিশিং হাউস প্রাইভেট লিমিটেড-এ মুদ্রিত।
সম্পাদক, প্রকাশক ও মূদ্রক : বুদ্ধদেব বসু। সহকারী সম্পাদক : নরেশ গহু।

Yearly Rs. 4/-, or 6s. 6d. or \$ 1.50
Rupee one per copy

এক টাকা

Published quarterly at Kavita bhavan, 202 Rashbehari Avenue,
Calcutta 29, India

Editor & Publisher : BUDDHADEVA BOSE